


71 / 2
1935

საქართველოს
საბჭოთაო
კულტურის
მინისტრო

პიონერები



1935 წლის იანვარი

„პიონერი“

№ 3

საქ. ა. ლ. კ. კ. ცეკასა და
საქ. განსახორმის ერთობი-
ური უზრნალი

მ ა რ ტ ი 1935

წელიწადი 88-11

კადაქციის მისამართი:

კირკვის ტ. № 7.

ს ა ხ ე ლ ზ ა მ ე,

საქ. ლე ახალ. სეპტორი

ზინაარსი

1. სკოლაში (აკაკის „ჩემი თავგადასავლიდან“)	83.
2. აკაკის — დ. ბერიკაშვილის	1
3. მამალი — აკაკის	4
4. სხეიტორში — შ. თაბუკაშვილის	5
5. აკაკის სახლში — ქსენია სიხარულიძის	6
6. აკაკის ნაკვესები	6
7. დიდი პოეტი აკაკი წერეთელი — სიმონ ქვარიაძის	8
8. პირველი გაცნობა — ცქვიტის	10
9. აკაკი — მიმქრალის	12
10. აკაკი „ჯეჯილის“ რედაქციაში — ლადო გეგეჭკორის	12
11. აკაკი — სანდრო ულენტის	13
12. აკაკი აღზრდის შესახებ	14
13. აკაკის — ყ. ხიტიბაშვილის	15
14. ბავშვების საყვარელი მწერალი — ან. ღვინიაშვილის	15
15. პიონერული არდადეგები — ლადო გეგეჭკორის	19
16. გამოხმაურება „პიონერის“ იუბილეზე	19
17. პატარა კომუნარი — გ. კაჭახიძის	20
18. ორივე დამკვრელია — ლავრ. კვიციანიძის	20
19. ნინა ხუბულავა — მოსე გვასალიასი	23
20. მარწყვზე (მოთხრ.) (გაგრძელება) — ლ. ხვიჩიასი	25
21. აკაკი — ე. აბრამიშვილის	26

უზრნალი დასურბთებულია მხატვ. აღ. გიგოლაშვილის მავრ.

სარედაქციო კოლეგია: ა. გველენიანი, აკ. ჩხვიიაშვილი (პ/მ. რედაქტორი),
ა. ზანკივაძი, ლავრ. ზიზინაძე (პ/მ. მდივანი), შ. თაბუ-
კაშვილი, შ. სიხარულიძე, ბორის ჩხვიძე და მ. თოშაძე.

ს კ ო ლ ა უ ი


(აქაკის „ჩემი თავბადასავლიდან“)




გიმნაზიაში რომ შემეყვანეს, გავცეცი: იმდენი ბავშვი, ერთად თავმოყრილი, ჩემს დღეში არ მენახა. მოზრდილები სკამზე ისხდენ სულგანაბულნი და ახალ-მოსწავლე პატარები-კი ჯგუფ-ჯგუფად კედლებთან იყვნენ ატუზული. აქ კედლებზე ირგვლივ ქალაქის ფურცლები იყო ჩამოკიდებული, ზედ ანბანი და ამოსაღები ეწერა და იმას აკითხებდენ ყმაწვილებს. ჯგუფს ერთი უფროსი ჰყავდა და ის ასწავლიდა: ხელში ეჭირა წიკებლა და, შეეშლებოდა თუ არა ბავშვს კითხვა, უცხუნებდა და უცხუნებდა. ერთი ადგილიდან მეორეზე გადადიოდნენ და, როცა შემოუვლიდნენ კედლებს, მერე-კი ნება ჰქონდათ სხვებთან დამჯდარიყვენ ისინიც სკამზე. ამ ყოფაში იყვნენ, სანამ კითხვას ისწავლიდნენ. უნდებოდნენ ზოგჯერ წელიწადზე მეტს. წარმოიდგინეთ 7—8 წლის ბავშვი, დილის შვიდი საათიდან ნაშუადღევის ორ საათამდე მშიერ-მწყურვალი, და მაშინ იგრძნობთ, თუ რა ტანჯვაში იყვნენ ის საწყლები, ზოგს გულს ეყრებოდა, ზოგს თავბრუ ეხვეოდა და ეცემოდნენ ძირს, მაგრამ ყურადღებასაც არავინ აქცევდა.

ჩემი უბედურება ის იყო, რომ რუსული არ მესმავდა. იმ დროს შემოღებული იყო საზოგადოდ თუნუქის ფირფიტა, რომელსაც მარკას ეძახდნენ. ვინც ქართულად ხმას ამოიღებდა, მიაჩნებდნენ ხელში და თანაც გრძელ ფიცარს — სახაზავს დაჰკრავდნენ ხელის გულზე. მერე ის უნდა ცდილიყო, რომ სხვისთვის გადაეცა როგორმე იმრიგადვე, ე. ი. ჩაბარების დროს „ლინეიკა“ დაერტყა ხელის გულზე. ამგვარად ეს საცოდაობის ფირფიტა გადადიოდა ხელიდან ხელში. სწავლის ვათავეების დროს ვინც ვერ მოასწრებდა იმ ფირფიტის თავიდან მოშორებას და შერჩებოდა ხელში, უნდა კლასში დარჩენილიყო მთელი დღით უსადილოდ. ვინც რუსული არ იცოდა ახალშემოსულობის დროს, ხმის ამოღებას ვერ ბედავდა, დამუნჯდებოდა. ამ ჩვეულებას დიდი გამრყენელი ხასიათი ჰქონდა: ყმაწვილები ცდილობდნენ, რომ ერთმანეთი მოეტყუებიათ, გაებრიყვებიათ როგორმე და ცბიერობა-ფარისევლობას ეჩვეოდნენ. სულ ერთი კვირის შესული არ ვყავი, რომ მოვიდა ჩემთან ერთი პატარა ყმაწვილი, ანგელოზის სახის მქონე, და ტკბილის ღიმილით, მეგობრულად მკითხა რაღაც ქართულად; მეც, რასაკვირველია, რადგანაც სხვა ენა არ ვიცოდი, ქართულად ვუპასუხე. ყმაწვილს მშვიდობიანი სახე გადაუსხვაფერდა და სიხარულით მომაჩეჩა ფირფიტა. ჩამოვართვი, მეტი რაღა გზა მქონდა, მაგრამ „ლინეიკაზე“ ვერ დავეთანხმე. — რა გენადლეება შენ, მე რომ „ლინეიკა“ არ დავირტყა, მარტო ვართ და ვინ გაიგებს-მეთქი, — ვეხვეწებოდი. ჩემმა მოწინააღმდე-

გემ შორს დაიჭირა: მე თუ დამარტყეს, შენ რა ჭრელი პეპელა ხარო?! მე მაინც არ დავეთანხმე, გავუძალადი, და იმან ტუტყუნი დაიწყო. მასწავლებელი რომ შემოვიდა, მივიდა და დამაბეზლა. დამიძახეს. გავედი შიშითა და კანკალით. მასწავლებელმა წარბები შეიკრა და მკითხა: როგორ ბედავ ურჩობასო? აქ შენი სახლი ხომ არ გგონიაო! მე თავის გამართლება დავიწყე, მაგრამ აღარ გამივიდა. — კარგი, მე გასწავლი ჰქუასო! დაუძახა „სტოროფებს“ და უბრძანა: როზვიო! მე, ამის გამგონეს, თავში სისხლი ამივარდა და გაქცევა დავაპირე. — ნუ გაუშვებთ, დაიჭირეთო! — იყვირა მასწავლებელმა. იგრიალეს მოსწავლეებმა ჩემ დასაჭერად და გადამელობენ კარებზე... მე მეორე ოთახში შევევარი,





რომ ველარ აიტანა, იშვირა ხელი და ფეხი და გადავარდა რიონში. რომ შემთხვევით იქვე არ დასწრებოდა ერთი მეკრელი მოსწავლე, ძალიან კარგი მცურავი, დაილუპებოდა.

კარგი მცურავი

ვაი მისი ბრალი, ვისაც კარგი ხუჭუჭი თმა ჰქონდა! ერთ ყმაწვილს, გვარად ჭაჭიაშვილს, დიდი ყურები ჰქონდა. დიდი და პატარა ყველა ყურებში ავლებდა ხელს. ერთხელ გამხეცებულმა ზედამხედველმა შუამდის აახლია ყური; გაუსივდა და მხოლოდ რამდენიმე დღის განმავლობაში ისევ დაუწყო შეხორცება. მაგრამ ვინ აცალა შეხორცება! სტაცებდნენ ხელს და ხელახლა აგლეჯდნენ... ასე რომ ვავიდა სასწავლებლიდან. ერთ მოსწავლეს — კლდიაშვილს — პირით დაჰკრა შუბლზე „ლინეიკა“ და თავთხლე გადაადინა, ძვალაც კი გაუტეხა. გულშემოყრილი ბავშვი შინ წაიღეს. ამ გარემოებისათვის ყურადღებაც არავის მიუქცევია. ამისთანა რამეები უთვალავი იყო.

ერთხელ რომელიღაც მოსწავლემ ხაჭაპურები მოიტანა კლასში და ლატარიაში ჩააგდო თითო კაპეიკად. ყველამ მოაწერა ხელი. წამძლია სულმა და მეც მოვაწერე. შემოგვესწრო მასწავლებელი და იწყინა, როგორ ვაგბედავთ ხელისმოწერაო! აილო დიდი, უშველებელი „ლინეიკა“ ხელში. თითოთითოდ გაჰყავდა ხელის მომწერებლები; ჰკითხავდა: რომელი ხელით მოაწერეო? და, პასუხს რომ მიიღებდა, დაჰკრავდა ხოლმე, რაც ძალი და ღონე ჰქონდა; — კიდევ მოაწერო? — ეკითხებოდა დაცინვით. მე ყველაზე ბოლოში ვეწერე, რადგანაც ჩემი გვარი წილზეა და „ჟურნალში“ ანიდან იწყება გვარების წერა. იმ დროს საბა ორბელიანის იგავ-არა-

სადაც მესამე კლასი იყო. აქაც ერთი ალიაქოთი მოვახდინე, მაგრამ შევხტი ფანჯარაზე, ვაგამტვრიე მინები, გადავხტი და მოკვურცხლე შინისკენ. გამომიდგენ „სტოროჩეები“. წინ მე ვაგრბოდი კურდღელივით და უკან ისინი მომდევდნენ კიჟინით.

„როტაში“ არ უნდებოდათ იმდენი წკება, რაც თვითეულ კლასში. „სტოროჩებს“ ურმებით მოჰქონდათ ყოველდღე ახალ-ახალი. მოსწავლის

გალახვა ყველას შეეებლო, დირექტორიდან დაწყებული „სტოროჩამდე“. მიზეზს არავინ კითხულობდა. ვინ იცის, რამდენი დასნეულებულა, რამდენი დამახინჯებულა და რამდენს კიდევ ხასიათი გაფუჭებია საუკუნოდ! ხშირად მოხდებოდა ხოლმე, რომ ერთიდაიგივე ბავშვი ერთი დღის განმავლობაში სამჯერ-ოთხჯერ „გაროზგვილიყოს“ სხვადასხვა უფროსებისგან. მახსოვს და არც დამავიწყდება ჩემს დღეში: ერთი რუსის ბავშვი იყო — კრიჟანოვსკი, ძლიერ მოუსვენარი რამ, მაგრამ სხვებ კარგი იყო. ერთხელ ნახევარი საათით დაავიანდა კლასში მოსვლა და დირექტორმა „გაროზგვინა“; იმ დღეს ვაკეთილი არ იცოდა და მასწავლებელმა „გაროზგვინა“; სწავლა რომ გათავდა, ზედამხედველმა „გაროზგვინა“: სახლში გიცელქნია და მეზობლის ბავშვისათვის ქვა გისროლია — გიჩივლესო! ამითაც ველარ გადაარჩა, ყველამ ერთად დააბეზლა ინსპექტორს და იმანაც მოუნდომა „გაროზგვა“. ეს ინსპექტორი შეუბრალებელი რამ იყო და მისი ისე ეშინოდათ, როგორც სულთამხუთავისა. კრიჟანოვსკიმ, ტანჯვა



კვებ წაკითხული მქონდა და მომაგონდა ოფოფის ხრიკი, თავის გადარჩენა რომ უნდოდა და მელა გააბრიყვა. იმ განყოფილებ ში წერის გაკვეთილი იყო. მე ვიფიქრე, რომ, თუ მარჯვენა ხელი მეტკინა, წერა გამიფუჭდება და, მოდი, მარცხენას გავიმეტებ-მეთქი. მეც, რასაკვირველია, მითხრა: აბა, დამნაშავე ხელი გამაშვირო! მე მარცხენა გავუშვირე. ჯერ დამკრა და მერე ეკვი შეიტანა, რასაკვირველია, განგებ: მარცხენა ხელით როგორ მოაწერდიო. რომ გამოფუჭდი, მარჯვენა ხელზედაც დამკრა და გამიშვა. ტკენა ხომ ტკენა იყო, მაგრამ მე ის უფრო მტანჯავდა, რომ ჭკუა წავაგე და ორი „ლინეიკა“ დამკრეს, მაშინ როცა სხვები კი თითოთი გადარჩენ! ვტიროდი, ხელი მიკანკალებდა და, რასაკვირველია, კარგად ვეღარ დავწერდი! ნაწერები რომ გაარჩია მასწავლებელმა, დამიწუნა და კიდევ დამკრა „ლინეიკა“: უკეთ დაწერო! კლასის გათავებამდის ოთხჯერ კიდევ დამკრა! ის დღე იყო და მას აქეთ ვეღარ გამოვბრუნდი. არ იქნა, ვეღარ გადავიგდე გულიდან ეს შემთხვევა. წერაში ხელი გამიფუჭდა და დღესაც კიდევ გაურკვეველადა ვწერ.

ტროეს კლასში ყველა მზად უნდა ყოფილიყო. ერთს რომ ჰკითხავდა, უცებ, მოულოდნელად სხვას რომელიმეს განაგრძეო — მიუბრუნდებოდა. აგრეთვე არ იცოდა ძველი და ახალი გაკვეთილი: მოულოდნელად ძველიდანაც გვეკითხავდა ხოლმე. თვითეულ სკამს მიუჩინა თითო უფროსი შეგირდი, ისინი ჰკითხავდნენ ყოველდღე გაკვეთილს მოსწავლეებს და ნიშნებს უსვამდნენ. იმ უფროსებისათვის მერე მე უნდა მეკითხა და დამესვა ნიშნები. ზოგიერთი მათი შეგირდებიც უნდა შემემოწმებია და ის ნიშნები მიმერთმია მასწავლებლისათვის. რომ შემოვიდოდა, ისიც გადაათვალიერებდა და დასამოწმებლად გამოიხმობდა ზოგიერთებს. ერთი გაბაშვილი იყო ჩვენს კლასში, რომელიც სოფლიდან დადიოდა სასწავლებელში და კლასის დაწყებას, რასაკვირველია, ვეღარ მოასწრებდა ხოლმე. ამისათვის აჩოქებდნენ იმ საწყალს კუთხეში კლასების გათავებამდე, ასე, რომ ფეხზე მდგარი ის სწავლის დროს ძვირად დაგვინახავს. ერთხელ დარჩენილიყო სადღაც და ქუთაისში ნათესაებებში გაეთია ღამე. სამოსწავლო წიგნიც ეშოვნა (მაშინ არამც თუ გარეშე წიგნი, სახელმძღვანელო წიგნებიც ცოტა იყო, სულ რამდენიმე და ერთიმეორისაგან ვნათხოვრობდით) და გაკვეთილი კარგად დაესწავლა. ადრე მოვიდა, მაგრამ, რადგანაც დაჩვეული იყო, თავისთავად დაიჩოქა და ამისათვის ყურადღებაც არავის მიუქცევია. მის უფროს შეგირდს მისთვის კარგი ნიშანი დაესვა, მე შევამოწმე და მართალი გამოდგა. ტროემ რომ საზოგადოდ ყველას ნიშანი გადაათვალიერა, გაბაშვილის ოთხსაც მოჰკრა თვალი, გაუკვირდა და გამოუძახა. ჰკითხა და მისთანა თქვენს მტერს: ერთი სიტყვაც ვერ მიუგო! გადააქნია თავი და გამიხმო: — ეს ნიშანი შენ დაუსვიო? — მკითხა.

— დიან, მე შეთქი, ვუბასუხე.
 -- მერე, რათა, რომ არაფერი იცის?
 -- მე რომ ვკითხე — იცოდა.
 -- იცოდა?! ასე მალე, ორ წუთში როგორ დავიწყებდებოდა? აქ რაღაც სხვა ამბავია! — ბრძანა მრისხანედ. — შევიტყობ, რა არის. მაგრამ ჯერ არ მცალია. გაბაშვილო, წადი და შენ იქვე დაიჩოქე. სადაც იყავი, და შენც, წერეთლო, მიდი მაგასთან და გვერდში ამოუდექ, სანამ ჩემი კლასი არ გათავდეს! მერე ორივეს ერთად დაგამოწმებთ.

თუმცა ყველაზე მეტი ჩვენ ტროესი გვეწინააღმდეგებოდა, მაგრამ მისგან დასჯილი არ გვინახავს, და ახლა, როგორ გამიბედეს მოტყუებო, ზომას გადავიდა.

— შე შეჩვენებულო, რა ჰქენი ეგა, აკი იცოდი? — დავეკითხე ჩუმად, კუთხეში რომ გავვდიო.


— ახლაც ვიცი, — მიპასუხა ტირილით.
 — მაშ რატომ არ მოახსენე!

— ფეხზე რომ ვადექი, ვერ მოვახერხე. ეს რამდენი ხანია სულ დაჩოქილი ვსწავლობ და პასუხსაც ისე ვაძლევ. აი, თუ არ ვიცი — მოჰყვა ზეპირად. — რომ ავდგე, დამებნევა!

მასწავლებელმა მოგვატანა თვალი და მოგვაცურა. — რას ჩურჩულობთო? მე გავედი და მოვახსენე ყველაფერი. გამოიყვანა გაბაშვილი, დააჩოქა და ისე ჰკითხა. კარგად მიუგო; რამდენჯერმე გაიმეორა ეს ამბავი და ისე გაუკვირდა, რომ წამოდგა ზეზე, კლასს თავი დაანება და გასწია კანცელარიისაკენ. იქ რა ჩაიღინა, ვინ იცის, მაგრამ იმ დღიდან-კი გაბაშვილი დაჩოქილი არ გვინახავს.

ერთხელ, სწავლა რომ გათავდა და შეგვასვენეს, მე, რადგანაც დილას არა მეჭამა რა, შევირბინე





შენ, ვიგდე ახალუხის ჯიბეში ცხელი მჭადის კოკორი და ისე მივაშურე კლასს, არ დამავიანდეს მეთქი. ტროეს გაკვეთილი იწყებოდა. ფეხად შეესწრო ჩემთვის და ხუთი მოწაფე კიდევ გამოეხმო და გაემწკრივებია; შეეყავი თავი თუ არა, მომაცვირა: — შენ, აქ მობრძანდი და დადექ ამათთანო! მივედი და გაეჩერდი. ცხელი მჭადი მომედვა ბარძაყზე და მეცხუნა. მე შმაშური დავიწყე, ხელი მოვუსვი. ასე რომ ავტოკდი, მასწავლებელმა შემნიშნა და მკითხა: რა გემართებაო? დაფარვა აღარ შეიძლებოდა. — ამოაყოფინეს ჯიბიდან მჭადს თავი... შეგირდებმა გადაიხარხარეს. მასწავლებელმა უღვაშებში ჩაიციხა, გამომართვა მჭადი და წინ სტოლზე დაიდვა. მე სირცხვილის ოფლი გადამასკდა. დაგვიწყო გაკვეთილების კითხვა. ამ დროს, ჩემდა საუბედუროდ, ინსპექტორი შენოვიდა. მაშინ კი ამიკანკალდა მუხლები. ეს ისეთი შეუბრალებელი ვინმე იყო, რომ

ყმაწვილის „გაროზგას“ არა ერჩია რა. სულ უბრალო მიზეზი საკმაო იყო, რომ ოთხში ამოელო. ერთხელ ერთსადამივე დროს ორი ბავშვი „გაროზგა“: ერთი იმიტომ, რომ თმა წამოგზრდილი, და მეორეც იმიტომ, რომ მეტად ძირში მიგიჭრიაო! ვიფიქრე: ეს მჭადი მე ხეირს არ დამაყრის-მეთქი! მართლაც, მოჰკრა თვალი თუ არა, დაიღრიალა: — ამ მჭადს რა უნდა აქ, ვინ მოიტანაო? ერთი მოწაფე, რომელიც ხშირად მექიშებოდა ხოლმე, წამოხტა ზეზე და მოახსენა: წერეთელს ამოუღეს ჯიბიდანო! — რად მოგიტანია? — მკითხა მრისხანედ. მე ენა ჩამივარდა. მაგრამ მასწავლებელმა მოახსენა: ახლავ გაიგებთო, და მკითხა: — ეს რა არის? მჭადი-მეთქი, — ვუპასუხე კნავილით.

- რისგან კეთდება?
- სიმინდისგან.

— როდის თესავენ სიმინდს? რანაირად იზრდება? როგორ მუშაობენ? როგორ აკეთებენ მჭადს? და სხვანი ეს ყველაფერი გამომკითხა, და მეც პასუხს ვაძლევდი. რამდენიმე წუთს მკითხავდა და ბოლოს თქვა: კარგიო! ხვალ ნუ დაგავიწყდება ბრინჯის მოტანაო; ხვალ იმის შესახებ ვილაპარაკოთო. ინსპექტორმა იფიქრა: აქ სწორედ მასწავლებლის სურვილით მოუტანიათ მჭადიო და გავიდა კლასიდან ხმაამოულებლად. მასწავლებელმა მაბეზლარი მოწაფე გამოიხმო და ჰკითხა: შენ არა გაქვს რა ჯიბეშიო? გაუსინჯა და კოჭი უნახა. — ეს რა არისო? ეს ხომ სათამაშოა, რომელიც კლასებში სრულიად გამოუსადეგარია და შენ კი ჯიბეში გიძევსო! წერეთელმა მჭადი მიტომ მოიტანა, რომ შიოდა და შექმა ველარ მოასწრო, და შენ კი სათამაშოდ დაბრძანდები! კარგი, გაჩერდი მაგრე კლასის გამოსვლამდის! მე მაგ კოჭით წარგადგენ ინსპექტორთანო. იმ მოწაფეს ფერი ეცვალა და ატირდა. კლასი რომ გათავდა, მიუბრუნდა მტირალს და უთხრა: კარგი, ახლა კი მიპატივებია, მაგრამ შემდეგ-კი ფრთხილად იყავი: რაც შენთვის არ გინდა, იმას ნურც სხვას უზამო!

ა კ ა კ ი ს

იყო ღროება, ჯოჯოხეთს ჰგავდა, გლეხებს ტვირთისგან სტკიოდათ წელი... დაასამარა ახალმა ხანამ ღროგადასული ცხოვრება ბნელი. თავისუფლების მზემ გაანათა და აფრიალდა ღროშები ცაში, შენმა გმირებმა ეს დაინახეს, შენ კი, მგოსანო, გეძინა მაშინ.

გმირებს ეძახდა და გაჰკიოდა შენი დაფი და შენი ნალარა, შენმა ლექსებმაც ბასრი ხმალივით ძველი მთავრობის გული დალარა. ებრძოდი მუდამ უსამართლობას და მიგაძინა ფიქრთა მიყოლამ... წევრი გამხდარა სოფლის არტელის მოხუცებული გლეხი კიკოლა.



მამაქი

ფეხებზე იკრავს დეზებსა
და თავზე იდგამს ჯილასა,
გარს ეხვევიან ფრთოსნები
და რალას ჰკითხავს ვილასა?
ბატონკაცურად ყოყოჩად
დადის და დაიარება,

თვალი თუ სადმე შეასწრო, —
ტოლი ნუ მიეკარება!
თუ გათენდება როდისმე
უმისოდ, არა ჰგონია,
და მისი მკვახე „ყიცილიყო“
სუყველას გაუგონია.

აკაკი

სხვიტორში

ეს იყო 1912 წელს.
ქართული გიმნაზიის მერვე კლასის მოწა-
ფე ვიყავი.

თორმეტმა ამხანაგმა გადავწყვიტეთ მოგვე-
წყო ექსკურსია.

შედგა გეგმა: ქუთაისიდან მატარებლით
ავიღოდით საჩხერეში, სხვიტორში მოვინახუ-
ლებდით აკაკის, რომელსაც ხშირად ვხედავდით
ქუთაისში და ვოცნებოდით იმ მომენტზე, ის
რომ გამოგველაპარაკებოდა, ხელს ჩამოგვართ-
მევდა, იოხუნჯებდა... მერე ქვეითად წავიდოდით,
გადავივლიდით მთებს, ჩავიდოდით ცხინვალში,
იქიდან გორში, უფლისციხეში... შემდეგ — მატა-
რებლით ტფილისში, იქიდან — ცივკომბორით
თელავში, მერე სიღნაღში... მთელი თვე მოუნ-
დებოდა ამას.

შედგა გეგმა და კიდევ განხორციელდა.

რა ზღვა სიხარულით ძგერდა თორმეტი
ახალგაზრდა გული, ჭიათურის „კუკუშკა“ რომ
მიგვაქროლებდა...

ძლივს!

ვნახავთ აკაკის... მის სახლს... გამოველა-
პარაკებთ...

ესეც სხვიტორი... აკაკის სახლი...
სძინავს პოეტს.

ვიცდით. გადის ხანი... არ აღვიძებენ,
ვერც შევკადრებთ, არც ელვიძება...

წელმოწყვეტილნი გავბრუნდით. გაქრა
ოცნება — ვერ ვნახეთ იგი. ნახევარ კილომე-
ტრზე გავსცდით აკაკის სახლს. ცუდად დაიწყო
ჩვენი მგზავრობა, „უიღბლონი“ ვყოფილვართ.

მაგრამ... „ყმაწვილებო!“ — გვესმის ძახილი.
ვიღაც გამოობის, გვეძახის.

— აკაკიმ გამოიღვიძა, გთხოვთ დაბრუნ-
დეთ...

აივანზე ზის მოცინარი აკაკი.
შევეყურებთ თვალგაბრწყინებულნი, ვი-
ქვრთ მის სიტყვებს...

ლაპარაკობს...

— ერთხელ მზარეულის აყვანა მინდოდა. გაე-
გო ერთ გლეხს, რომლის შვილიც მზარეულად
ყოფილიყო სადღაც, და მოვიდა ჩემთან. სწო-
რედ ამ აივანზე ვიყავი მაშინ.

— ბატონო აკაკი, — მითხრა მან. — ერთი
ისეთი პოვერი!) ვიცი, რომ უკეთესი ნუ გინ-
დათ. თქვენ გლომიათ პოვერი და...

*) დამახინჯებული რუსული „პოვარ“, ე. ი. მზარეული.

— დიახ, მზარეული მკირდება. თუ კარგია, ავიყვან. თუმანს მივსცემ თვეში.

— ბატონო აკაკი, ერთი აქეთ გვნახეთ,— მი-
თხრა მან და აიენის ბოლოსკენ მიმიპატიუა.
ჩვენს მეტი არავინ იყო იქ და მე ვიუარე:

— კაცო, აქ მითხარი, იქ სად მიგყავარ მეთქი.
— არა, ბატონო, აქეთ გვნახეთ ერთ
წუთს, — მიმიყვანა კუთხეში და თვალების ნა-
ბვით მითხრა:

— მიეცი, თუთხმეტი მანეთი მიეცი, პოვე-
რია, პოვერი, არ წააგებ...

— რა ვქნა, ჩემო ძმაო, მე მზარეული მინ-
და და „პოვერს“ ვერ ავიყვან მეთქი, — ვუთ-
ხარი და ძლივს მოვიშორე...

ილიმებოდა აკაკი, და ჩვენც სახარულით
გვივლავდა თვალები...

ფოტოაპარატი მქონდა თან. გადავიღე
აკაკის სურათი: შუაში აკაკი, ირგვლივ — ქარ-
თული გიმნაზიის 11 მოწაფე, მის გვერდით
ყოფნით აღტაცებულნი...

როდესაც მთას შევუდევით, რომ ცხინვალში
ფეხით ჩავსულიყავით, აკაკის ნახვით მუხლი
გვქონდა გამაგრებული...

შ. თაბუკაშვილი

აკაკის სახლი

შენი სამშობლო დაბა საჩხერე,
სხვიტარის მიწა, სასახლე ძველი...
აქ საგრძნობია შენი სიცოცხლე
და ამოსუნთქვა უკანასკნელი.
ღრონი და წლები შენ ვერ წაგშლიან,
ცოცხლობ ჩვენს გულში, საგანო გრძნობის,

და დღეს ვნახულობ კედლებს ასწლიანს,
უსიტყვო მოწმეს შენი ბავშვობის...
აქ გიტაცებდა შენ აღმაფრენა
და აქ წარმოთქვი სიტყვა პირველი,
აქვე დაღუბდა ნარნარი ენა,
და დღეს სრულდება მეოცე წელი...

ქსენია სინარულიძე

აკაკის ნაკვეთები

1

ერთი მასწავლებელი უხეირო ლექსებს წერ-
და. ერთ დღეს აკაკი სოფელში მიდიოდა და
სწორედ იმ მასწავლებელმა ათხოვა ჯაგლაგი
ცხენი, თან ლექსების რვეული მისცა და უთხ-
რა: თუ მოგეწყინოს, ამაღამ ეს გადაიკითხეო.

მეორე დღეს ჰკითხა აკაკის: — ღამე რო-
გორ გაატარეო?

— რა გითხრა — დღე შენმა ცხენმა დამტა-
ნჯა და ღამე კიდევ შენმა ლექსებმაო, — მიუგო
აკაკიმ.

2

აკაკი აბასთუმანში იყო. სასტუმროში ზედ-
მეტი იანგარიშეს. ანგარიში რომ გასინჯა, აკაკიმ
თქვა:

— ახლა კი მივხვდი, რათა ჰქვია ამ მხარეს
„აბასთუმანი“: თურმე, აბაზში თუმანს ახდევინე-
ბენო.

3

აკაკი მძიმე ავადმყოფი იყო. მის სანახავად
მივიდა ერთი ბეითალი (საქონლის ექიმი). აკაკიმ
რომ ის დაინახა, თქვა:

— ჩემს სიცოცხლეში სულ ვირივით ვმუშა-
ობდი და ახლა თუ ვინმე მომარჩენს, ისევ ეს
პირუტყვის ექიმი, თორემ ჩემი საქმე წასულიაო.

4

აკაკი ეტლით მიდიოდა თავის სოფელში.
მის გვერდით ვიღაცა მგზავრი იჯდა, რომელიც
აკაკის ვერ იცნობდა. ის აკაკის ლექსებს ამბობ-
და ზეპირად, რითაც ძალიან გააკვირა პოეტი.

— თქვენ ვინა ბრძანდებით? შეეკითხა აკაკი.

— მე პოეტი აკაკი წერეთელი გახლავართ, —
მიუგო მგზავრმა.

აკაკი გაიხუმლა.

როდესაც ეტლი გაჩერდა, მგზავრმა უთხრა:
— მე რომ გითხარით, ვინც ვარ, თქვენ ვინღა

ბრძანდებით?

— რა ვიცი, აქამდისა კაკი ვიყავი და დღეს შემდეგ ვინა ვარ, მე თვით არ ვიციო, — მიუგო აკაკიმ.

5

აკაკი სადილად იყო დაპატივებული.

ერთი სტუმართაგანი წამდაუწუმ მღეროდა: „მიმინო მყავდაა მიყვარდა, მიმინო მყავდაა“.

მოთმინებიდან გამოსულმა აკაკიმ მოსწრებულიად თქვა:

— მიმინო რომ ჰყოლოდა, ამდენი მწყერი აღარ ეყოლებოდაო.

6

აკაკი სტუმრად იყო.

თამადამ ყანწი მიაწოდა.

აკაკიმ ბოდიში მოიხადა — ვერ დავლევო. თამადამ კისერში ჩაასხა მთელი ყანწი — თუ არ სვამ, აქ რად მოდიოდით.

ერთ დღეს სხვებთან ერთად ეს თამადაც ეწვია აკაკის.

აკაკი სუფრას მიუჯდა და ლექსის წერა დაიწყო, მერე იმ თამადას სთხოვა — შენ განაგრძე ეს ლექსიო.

— მე რა ვიცი ლექსების წერაო, — უბასუხა გაოცებულმა სტუმარმა.

— როგორ თუ არ იციო? მაშ რად მიუჯექი ამ ჩემს მაგიდასო? — მიუგო აკაკიმ და მთელი საწერელი მელანი გადაასხა თავზე.

7

ერთმა უხვირო მსახიობმა უთხრა აკაკის:

— ვერ წარმოიდგენ, აკაკი, როგორ მიყვარს სცენა! როცა მე არა ვთამაშობ და სცენას ვუყურებ, სულ ჟრუანტელი მივლისო!

— მეც მაგ მდგომარეობაში ვარო, — მიუგო აკაკიმ.



აკაკი სტუდენტობის დროს.

— შენ რატომ?

— შიშისგან.

— რისა გეშინია?

— იმისი, ჩემო კარგო, რომ სცენაზე კარი არ გაიღოს და შენ არ შემოხვიდეო, — აუხსნა აკაკიმ.

8

ხონელ მეეტლეს აკაკი ქუთაისში უნდა წაეყვანა. უნდოდა კიდევ ეშოვნა მუშტარი და ხმამალა გაიძახოდა:

— ვის გინდათ, ვის გინდათ?

ბოლოს აკაკიმ უთხრა:

— ხომ ხედავ, არავენ მყიდულობს, მითხარი, რამდენად ვარ დაფასებული, იქნებ ჩემი თავი მე გამოვიყიდოვო.



დიდი პოეტი აკაკი ჩერეთელი

— რატი, იცი, ვინ იყო აკაკი წერეთელი?
 — როგორ არ ვიცი, ძია კოტე, მის იყო კარგი ლექსების დამწერი! მისი ერთი პაწია ლექსი „პეპელა“ ბავშვობისას მისწავლია.
 — აბა თქვი, თუ გახსოვს?

„ჭრელი პეპელა დაათრო
 და გააბრუა იამა,
 მას მიეპარა ყმაწვილი,
 დაიჭირა და იამა“...

— ო, ეს ლექსი მეც ვიცი! — წამოიძახა ცქრილა ტასომ და განაგრძო უცებ:

— ალერსით უთხრა პეპელას:
 თავს რითი ირჩენ შენაო?
 როგორ არ გღალავს მთელი დღე
 მოუსვენარი ფრენაო?!

აი ამ საუცხოვო ლექსის და სხვა მრავალის დამწერი იყო დიდი პოეტი აკაკი წერეთელი.

— ახლაც ცოცხალია? — შეეკითხა შალიკო.
 — არა, უკვე ოცი წელია, რაც მიიცვალა, და ახლა მადლიერი ხალხი აღნიშნავს აკაკის მიცვალების ოცი წლის თავს. ჩვენი ჟურნალ-გაზეთები ათავსებენ მის სურათებს და წერენ მასზე მრავალ მოგონებას.

— ძია კოტე, შენ გინახავს აკაკი წერეთელი? — შეეკითხა თამრო.
 — მინახავს და ვიცნობდი კიდევ კარგად.
 — აბა, ძია, გვითხარი რამე აკაკიზე!
 ამ სიტყვებით შემოეხვივნენ პიონერები მუშააკის ლექტორს.

— სიამოვნებით. დიდი, წარმოსადგვი მოხუცი, ჭაღარა წვერ-ულვაშით შემკული, ბადრი ლამაზი სახე ღიმილით გაბრწყინებული... ლომის ფაფარს ძოგავაგონებდა მისი თეთრსირმეული გაჩეჩილი თმა, — ასეთი იყო ჩვენი საყვარელი

პოეტი აკაკი, როცა პირველად ვნახე იგი და გავიცანი ტფილისში ამ 30 წლის წინათ.

— როგორი ხმა ჰქონდა? როგორი საუბარი? — ასწრებდენ ბავშვები ერთიმეორეს შეკითხვებში.

— შესანიშნავი ტკბილი, საამო ხმა, მოხდენილი საუბარი, მოსწრებული სიტყვებით შეზავებული... ამიტომ მის ირგვლივ მუდამ გამეფებული იყო მადიანი სიცილ-ხარხარი. თავისი გარეგნობით და საუბრით დიდი პოეტი იზიდავდა ყველას, ქალსა და კაცს, ღიღსა და პატარას. მუდამ ეხვია მას მეტადრე ახალგაზრდობა, აკაკის საამო საუბრით ბევრს სასარგებლო რამეს იძენდა და ითვისებდა იგი.

— ბავშვები ხომ უყვარდა აკაკის? — შეეკითხა ტასო.

— ძალიან. ის ხშირად არის დახატული ბავშვებში. უწერდა მათ ლექსებს. აი, მაგალითად: ერთ ბავშვს თურმე მეტად სძულდა ვერმიშელი. სადილზე მოიტანეს სხვათაშორის ვერმიშელის წვენი. ბავშვმა არ მიიკარა იგი, ოჯახის დიასახლისი მამიდა გაუჯავრდა ბავშვს. აქვე იყო აკაკი წერეთელი, ამ ოჯახის ხშირი სტუმარი; აკაკიმ მიმართა ბავშვს და უთხრა კაფილექსად:

„თუ არ ჰამე ვერმიშელი,
 მიგტყებენ და ვერ გიშველი“.

პიონერებს სიცილი აუტყდათ.

— უი დედა! რა ხუმარა ყოფილა ძია აკაკი! — წამოიძახა თამრომ და ვაღიკისკისა.

— აი კიდევ მეორე მისი სახუმარო ლექსი: იყო ერთი მეღუქნე, ანდრია კ-ძე, რომლისგანაც დიდი აკაკი სესხულობდა ფულს წვრილ-წვრილად, რადგან ჩვენს პოეტს ხშირად აწუხებდა უფულობა. დაგროვდა ვალი. აკაკი ისევ სთხოვდა ფულს, მაშინ ანდრია მეღუქნემ მისწერა აკაკის ლექსად:

— „ბატონო აკაკი,
ფულის თხოვნა აწ კარგი,
თუ ღროით არ დამიბრუნე,
წელშიაც მოვიკაკვი“.

იმავე ბარათზე აკაკიმ უცებ დაუწერა შემდეგი:

„ჩემო ძმაო ანდრიაო,
ფულის თხოვა აღრეაო,
აქამდე ჭკუით იყავი,
ახლა რამ გადაგრიანო?“

ბავშვებს კიდევ აუტყდათ სიცილ-ხარხარი.

— როგორც ჩანს, ძია აკაკი მეტად ენამხვილი ყოფილა! — წამოიძახა რატიმ.

— ოო, მეტისმეტი! მისი მოსწრებული სიტყვები, ანუ ნაკვესები, ბლომადაა გაბნეული ხალხში.

— ძია კოტე, გვითხარ აკაკის რომელიმე ნაკვესი! — შეეხვეწენ პიონერები.

— ერთხელ ჩვენი დიდი პოეტი სეირნობდა, თურმე, ტფილისში, რუსთველის გამზირზე, ახალგაზრდებით გარემოცული. თავზე ეხურა ირმის ტყავის ქუდი. შეხვდენ ნაცნობები. მისალმების შემდეგ შენიშნეს ხუმრობით: ბატონო აკაკი, ეგ რაა, ირმის თავი რომ გამოგიბამსო? —

— ოხრებო, თქვენ კი მუდამ ვირის თავი გაბიათ, მარა არაფერი მითქვამსო.

პიონერების კისკისს საზღვარი არ ჰქონდა.

— ძია კოტე, გეთაყვა, თქვი კიდევ აკაკის რომელიმე ნაკვესი! — შეეხვეწენ პიონერები.

— კმარა, ბავშვებო! ახლა უფრო სერიოზულ რამეს შევეხეთ. 50 წლის მანძილზე წერდა აკაკი უამრავ რამეებს ლექსად და პროზად: წერდა პოემებს, მოთხრობებს, დრამებს, ლირიკულსა და სარკასტულ (მწარე დამცინავ) ლექსებს. ვაი იმას, ვისაც აკაკი ჩასობდა კბილს: სარკაზმით მიწასთან ასწორებდა ხალხის მტრებს. ასეთია, მაგალითად, მისი ლექსები: „ნადირობა“, „დათვის წვეულება“ და სხ. აკაკის სძულდა მეფის რეჟიმი, სძულდა უნიჭო, უვიცი, ლოთი და გარყვნილი მოხელეები („ჩინოვნიკები“), სძულდა მეტიჩარა ინტელიგენტები, მატყუარა ვეჟილები, ცრუ საზოგადო მოღვაწენი, განსაკუთრებით კი სძაგდა ცენზორები, ეს ბეჭდვითი სიტყვის ჟანდარმები, რომელთაც აკაკი ეძახდა „ტვინმეასტრებს“. აი ამ პირებს სასტიკად ამართახებდა იგი თავის სარკასტულ ლექსებში. ეს

ლექსები ხელნაწერად გადადიოდა ხელიდან ხელში, ამ ლექსებს იხეპირებდა ხალხი.

— ვინ უყვარდა აკაკის, ძია კოტე? — შეეკითხა შალიკო.

— აკაკის უყვარდა მშრომელი ხალხი, გლეხობა, მუშები, წყნარი ინტელიგენტი მუშაკნი, მოსწავლე ახალგაზრდობა და ბავშვები. ამ 70 წლის წინათ, როცა ჩვენში გადავარდა ბატონეობა და გლეხი განთავისუფლდა ბატონის, ე. ი. თავდაზნაურთა მიმე ბევარისაგან, აკაკიმ დაწერა შესანიშნავი ლექსი „იფანანა“, რომელიც მაშინვე გაიხეპირა ხალხმა და ამღერებდა ჩანგურზე.

— ნეტა რა ლექსია ასეთი! — წამოიძახა ტასომ, — იქნებ გახსოვს, ძია კოტე, თქვი, გეთაყვა!

— მახსოვს მხოლოდ ზოგიერთი ტაეპი. იწყება ასე:

გაბუტულო გლეხის შვილო, შე პაპაწინაო,
ასე ტკბილად, უდარდელად რამ დაგაძინაო?!
დედის მკერდში მიგიგნია შენ ტკბილი ბინაო,
დაიძინე, ვარდო, ნანა, იავ, ნანინაო...
გაიზრდები, გენაცვალე, თავისუფალიო,
ბატონი არ შეგაწუხებს, ვერც ვაგტებს ვალიო,
ბატონის შვილს შენ სკოლაში გვერდს მოუჯდებიო,
აბა შენ იცი, ბიჭოჯან, როგორ ეცდებიო.
გლეხსა ნიჭი არა აქვსო, არ აფიქრებიო...

ეს ლექსი საკმაოდ დიდია, ამ ლექსში დასურათებულია გლეხის მწარე წარსული და ბრწყინვალე მომავალი.

ბავშვები ჩააფიქრა ამ ლექსმა და ზოგის თვალზე ცრემლიც კი აციალდა.

— ძია კოტე, წელან თქვი, აკაკიმ დაწერა შესანიშნავი პოემები, დრამები და მოთხრობებიო, რა ჰქვია მათ? — შეეკითხა თამრო.

— აკაკის პოემებში საუკეთესოა „თორნიკე ერისთავი“ და „ნათელა“, დრამებში — „პატარა კახი“, „თამარ-ცბიერი“, „მედეა“, მოთხრობებში კი „ჩემი თავგადასავალი“ და „ბაში-აჩუკი“. ყველა ეს განსაკუთრებით ისტორიული ხასიათისაა, ამათში უმთავრესად გამოხატულია ქართველების მწარე წარსული, მუდმივი ბრძოლა შემოსეულ მტერთა წინააღმდეგ, ტანჯვა და სისხლისღვრა.

— აკაკის ხომ აქვს მუშური ლექსები? —
შეეკითხა შალიკო.

— როგორ არა! მისი ერთი მუშური ლექ-
სი ასე იწყება:

— სიმინდსა თოხნა დავუწყოთ,
ერთხმად დავძახოთ მუშური,
გგებ მაშინ დავივიწყოთ,
რომ გლენი ვართ უბედური,
მარტო ჩვენთვის არ ვმუშაობთ,
სხვისაც გვმართებს სამსახური;
ბატონი გვყავს, ვართ საწყალი,
უპატრონო, უბედური.
ყველა თავში გვიჩაჩქუნებს,
გარეშე და შინაური,
ცხელსა მიწას უხვად აღბობს-
ოფლი, ჩვენგან მონაწერი.

— რა მშვენიერი ლექსია! — წამოიძახეს
პიონერებმა. — როდისაა დაწერილი?

— ეს ლექსი აკაკიმ დაწერა ბატონყმობის
გადავარდნამდის, 1861 წელს.

1905 წლის რევოლუციას მოხუცი აკაკი
დიდი აღტაცებით შეხვდა და დაწერა ცარიზმის
წინააღმდეგ ლექსი „ძირს მთავრობა“ — იგი ასე
იწყება:

„ძირს მთავრობა უსამართლო!
ველარ ვითმენტ გასაჭირსო;
ყოველი მხრივ გეძახიან:
ძირს, მთავრობა, ძირს, და ძირსო!“

— ძია კოტე, კიდევ აქვს აკაკის ასეთი
ლექსები? — შეეკითხა თამრო.

— როგორ არა, ჩემო კარგო! მას აქვს
ერთი მშვენიერი ლექსი „ჭალარა“. აი ეს ლექსიც:

„არა! აყვავდეს იმედი!
გულს ვერ გამოიტებს ჭალარა!
გმირებს დაეძებს, უყივის
ჩემი დაფი და ნალარა“...

და მართლაც მალე გამოჩნდნენ გმირები
ჩვენსა და რუსეთში. იმათ ისარგებლეს მსოფ-
ლიო ომით, გაამხნევეს და აამოძრავეს მშრო-
მელი ხალხი — მუშები და გლეხები, აანთეს
რევოლუციის დიდი ცეცხლი, დაღწეს მეფე-
მტარვალის დამპალი ტახტი, წარმოშვეს დიდი
ოქტომბერი, დაამხეს მემამულენი და ბურ-
ჟუა-კაპიტალისტები და მიანიჭეს მშრომელ
ხალხს სასურველი თავისუფლება და ახალი ცხო-
ვრების დიდებული ხანა.

— ნეტა ვინ იყვნენ ეს გმირები? შეეკი-
თხენ პიონერები.

— ისინი ბევრია, ყველას ვერ ჩამოვთვლი,
იმათში კი უდიდესი გმირები არიან...

— ძია ლენინი და ძია სტალინი! — აღტა-
ცებით შეჰყვირეს ბავშვებმა.

სიმონ ქვარიაძე

პირველი გაცნობა

ეს იყო 1908 წელს.

ვიჯექ ჩემს სახლში და გატაცებით ვკით-
ხულობდი. ერთ დღეს, როცა მე იბსენის ერთ-
ერთ საუკეთესო ნაწარმოებს, სახელდობრ
„ბრანდს“, ვკითხულობდი, კარები გაიღო და
ქურნალ „ნაკადულის“ რედაქტორი და დაუ-
დეგარი საზოგადო მოღვაწე მარიამ დემურია
შემოვიდა.

ცოტა რომ დაისვენა, ჯერ მოთხრობის
დაწერა მთხოვა და მერე სიცილით მომმართა:

— ჩემო ცქვიტო, გუშინ აკაკი წერეთელი
იყო რედაქციაში და შენ ვკითხულობდა. მე
დამევალა, რომ უსათუოდ მის ბინაზე მიგიყვანო
და გაგაცნო.

რასაკვირველია, ამ ამბავმა ფრთები შემასხა
და ძლიერ გამეხარდა, რომ დიდ პოეტს ჩემი
გაცნობა მოესურვებია.

მეორე დღესვე გულისფანცქალით ვეახელ
მარიამ დემურიას რედაქციაში და ცოტა ხნის
შემდეგ აკაკის ბინისაკენ გავემგზავრეთ.

აკაკი იმჟამად სასტუმრო „ფრანციაში“ ცხოვრობდა, ერთი ოთახი ეჭირა, რომლის ფანჯრებიც ძველ სასულიერო სემინარიას და და მის პირდაპირ გაშენებულ პუშკინის ბაღს გასცქეროდა.

გული ისე მიძგერდა, თითქო ყურებში ღოღოს უკრავენო, როდესაც მისი კარები დავაკაუნეთ.

კარი სწრაფად გაიღო, და სახეგაშუქებულმა, დიდთავიანმა ჭადარა პოეტმა ტკბილი ღიმილი კარებშივე მოგვაგება.

— აა... ეს მართლა ცქეტი გოგონა ყოფილაო, — მომმართა აკაკიმ, ხელი გამომიწოდა და თავის სკამზე მაგიდასთან დამსვა.

თვითონ თავის საწოლზე ჩემ პირდაპირ ჩამოჯდა და მარამ დემურიაც გვერდით მოისვა.

ლაპარაკი ჟურნალ „ნაკადულში“ მოთავსებულ ჩემი მოთხრობების შესახებ ჩამოაგდო და შემდეგ მკითხა — რომელი მწერალი უფრო მოგწონს და რომლით ხარ მეტად გატაცებულიო. მე დავუსახელოე იბსენი, ტურგენევი, ტოლსტოი, პუშკინი და ლერმონტოვი.

აკაკის თავი ოდნავ უკან გადაეწია, პირი ცოტა ღია დარჩენოდა და აღმაცერად მომჩერებოდა ღიმილით. სიტყვა რომ გავათავე, ადგა, მაგიდის ზარი დააწკრილა, და სასტუმროს მსახური რომ შემოვიდა, კნენა ორბელიანის მოპატიჟება დაავალა.

სულ რამდენიმე წუთის განმავლობაში კარი ისევ გაიღო და ჯერ ისევ მშვენიერი სახის, ულამაზესი დიდი თვალებით, მაგრამ უკვე მოხუცებაში შესული ლეჩაქურგადგდებული ქალი შემოვიდა.

— აი ეს არის პოეტი ქალი ნინო ორბელიანი, — ღიმილით მითხრა მარამ დემურიამ.

გამიკვირდა. ამ პოეტის არსებობა პირველად გავიგე და გაოცებით და მოკრძალებით გავუწოდე ხელი.

— აბა, ჩემო ნინო, — მიმართა მას აკაკიმ, — აკი გითხარი, ჩემი წირვა გამოსულია მეთქი. ნეტა რიდასთვისა ვწერთ მე და შენ? ახლანდელი ჩვენი ახალგაზრდობა მხოლოდ უცხოელი

მწერლების აზრითა და გრძობებით იკვებება, და მე და შენ კი ტყუილად ვჩირობდეთ. აი ეს გახლავთ ახალგაზრდა მწერალი ცქეტი, რომელსაც უცხო მწერლები შეჰყვარებია და ქართველი ერთი მწერალიც კი არ დაუსახელებია. ალბათ, არ მოსწონს და სრულიადაც არ კითხულობს.

აკაკის სიტყვა ლახვარივით მეცა და გულისხმაში ჩამაგდო.

საშუალო სასწავლებლებში ქართულ ენას მხოლოდ წერა-კითხვის სახით გვაწვდიდენ და იქიდან არაფერი არ გამოგვექონდა.

ქართული ენის გემო და სიყვარული სოფლებებს მხოლოდ სოფლის სკოლიდან, იაკობ გოგებაშვილის „დედაენიდან“ მოგვეყვებოდა, და ისიც რამდენიმე წლის შემდეგ, უცხო ლიტერატურისა და ენის შეთვისებისას, სრულიად ქარწყლდებოდა და იჩქმალდებოდა.

მე ვითომ მწერალიც ვიყავ, მაგრამ, გულახდილად უნდა აღვიარო, თვითმპყრობელობის სკოლის უკუღმართი გავლენა ძველი ხურჯინივით მხრებზე ძლიერ დიდხანს მეკიდა.


მეტი რა გინდათ, პოეტ ქალ ნინო ორბელიანის არსებობა იმ დღეს აკაკის წყალობით პირველად გავიგე.

აკაკიმ ნინო ორბელიანს და მარამ დემურიას თანამედროვე არანორმალური მდგომარეობის რამდენიმე ფაქტი მოუყვანა, თანაც მწარე ღიმილით თვითმპყრობელობის მიერ ჩვენი გადაგვარების გაიძვერული პოლიტიკა შეაჩვენა და მერე პირადად მე მომმართა:

— მე კი მეგონა, რომ შენი გაჩარხული, ლა მაზი ენა ქართული ლიტერატურის დიდი ცოდნისა და სიყვარულის შედეგი იყო. მაშ სად ისწავლე ასეთი ენით წერა?!

მე ვუპასუხე: სოფელში ვცხოვრობ და სოფლებებმა მასწავლეს მეთქი.

ამ დროს სწორედ აკაკის ფანჯრის პირდაპირ ბაღის ტროტუარზე ვილაცა მათხოვარმა თავისი ქიანური ააწრიპინა და ყვავილისაგან თვალებჩაშრეტილმა ჩახლეჩილი ხმით აკაკის „საყვარლის საფლავს ვეძებდი“ შემოსძახა...



მგოსანო, შენი კირიმე,
 ცაფირუზშემოქარგულო!
 ბავშვებმა შემოგითვალეს
 სალამი საგაზაფხულო:
 დიდხანს ნაზამთრი ბუნება
 დღეს ზეიმობს და მღერისო,
 კვლავ ეფინება ქვეყანას
 ხმა შენი ლექსის ჟღერისო,
 მინდვრად ყვავილნი გაშლილან,
 ბუჩქებში ნაზი იაო,
 „წითელ ვარდს შენდა საქებრად
 კოკორი გაუღიაო“.
 მთესველი შენს მზეს შეხარის,
 მუშაც არ რჩება შინაო,

სოფელმა ტახტად გაგიგო
 უხვი ფერების ბინაო.
 მანდარინებს და ნარინჯებს
 გადაუქარგავს ველიო,
 საწყალს, ბეჩავს და მძინარას
 გამოუღია ხელიო.
 იქ, სადაც წინათ შლომნარში
 დასისინობდა გველიო,
 ახლა ყვავილობს ტვერებად
 ლიმონი ოქროსფერიო.
 დიდხანს ნაზამთრი ბუნება
 დღეს ზეიმობს და მღერისო,
 კვლავ ეფინება ქვეყანას
 ხმა შენი ლექსის ჟღერისო...

მიმკრალი

აკაკი „ჯეჯილის“ რედაქციაში

1911 წელს დიდი თოვლიანობის შემდეგ კარგი ამინდი დადგა. გაზაფხულის ლამაზმა თვემ, მაისმაც, ფართოდ შემოანათა და ტფილისის მიდამოები--ვერა, ორთაქალა, კრწანისი და სხვა — ვარდ-ყვავილებით მოფინა. დილის ბრწყვიალა, ციმციმა მზემ საბავშვო ჟურნალ, „ჯეჯილის“ რედაქციაშიაც შემოიჭვრიტა.

ამ დილითაც ჩვეულებრივ ხალისითა და უშრეტე ენერგიით მუშაობდა ბავშვების საყვარელი მწერალი და რედაქტორი დეიდა ტასო (ანასტასია თუმანიშვილი — წერეთელი). როდესაც „ჯეჯილის“ მორიგ, მაისის, ნომერს ვამზადებდით, რედაქციის ფანჯარას აივნიდან მოადგა მაღალი, ახოვანი, თოვლივით თეთრ თმა-წვერ-ულვაშა მოხუცი.

დეიდა ტასო შეკრთა, აფუსფუსდა... ამ დილით არავის მოელოდა.

— აკაკი, აკაკი, აკაკი მოსულა! — წამოიძახა

მან. — შენს გაზრდას! — ასეთი მომართვა იცოდა ტასომ, — კარი გაუღე, სთხოვე მობრძანდეს. მე აქაურობას გივალაგებ, აბა, ჩქარა! არ ალოდინო!

სიხარულმა ამიტაცა, აკაკი წინათაც ბევრჯერ მინახავს: ქუჩაში, თეატრში, მომისმენია მისი ლექცია, რომელიც წაიკითხა სახალხო სახლში მუშებისათვის! ამ ლექციის გამო ლექსიც კი ვუძღვენი, რომელიც დაიბეჭდა სახ. არტისტის ვალერიან გუნიას ჟურნალ „ნიშადურში“ 1908 წელს. მაგრამ ახლა მე ის მახარებდა, რომ პირადად გავიცნობდი, დაველაპარაკებოდი.

— ტასო შინ ბრძანდება?

— შინ გახლავთ, ბატონო აკაკი, მობრძანდით, — მიემართე მორიდებით და დარბაზში მივიპატიჟე.

— თანამშრომელი ხარ?

— დიახ, ბატონო!

— შენი სახელი?
 — ლადო გახლავართ— და ჩემი გვარიც ვუთხარი.
 — სასიამოვნოა, — მითხრა მან და ხელი მეორედ ჩამომართვა. — ლექსები რომ მიძღვენი, ის შენა ხარ? მომეწონა!

გავეწითლდი და თავი ჩავლუნე.
 — ნუ მორცხვობ, იბეჯითე და შედეგსაც კარგს მიიღებ... კარგი ახალგაზრდა ჩანხარ.

— ჩემს იშვიათ სტუმარს ვახლავარ, — მიმართა რედაქციის ოთახიდან გამოსულმა ტასომ და ხელი ჩამოართვა. — კედელს ნახშირი! საიდან, რატომ ლექსები არ მომაწოდებ?

და დეიდა ტასომ გახსნა საყვედურების გუდა. ის საყვედურებით იკლებდა ყოველ პოეტსა და მწერალს, რომელიც მის ჟურნალს მასალას არ მიაწოდებდა.

დიდხანს ილაპარაკეს. მე სამუშაო ოთახში შევედი და ჟურნალისათვის მოთხრობა გავასწორე, საჩქარო იყო. ამასობაში რედაქციაში ჩვენი საყვარელი მწერალი ეკატერინე გაბაშვილი შემოვიდა. ემსალათა მგოსანს და, რადგანაც ეჩქარებოდა, მალე წავიდა.

დეიდა ტასომ აკაკი სადილად მიიპატიჟა. სადილზე ბევრი ითქვა ქართული მწერლობის შესახებ, განსაკუთრებული ყურადღება მიექცა საბავშვო მწერლობის მდგომარეობას.

— აი, შიო მღვიმელი ყოველ ნომრისათვის მაწოდებს მასალას... ახალგაზრდებიდან ნაყოფიერად

მუშაობენ გ. ქუჩიშვილი, დ. თურდოსპირელი, ი. გრიშაშვილი, ეს ახალგაზრდაც, — მიუთითა ჩემზე. — ხომ გაიცანი?

— გავიცანი! ახალგაზრდებს ენერგოზი შესწევთ, მე კი მოეხუცდი, მაგრამ, მიუხედავად ამისა, პირობას გაძღვევ, რომ ლექსებს მოგაწოდებ! — უთხრა ტასოს მგოსანმა.

მართლაც, ამის შემდეგ მრავალი ლექსი გამოუგზავნა აკაკიმ რედაქციას.

ნასადილევს დიდმა მგოსანმა მოისვენა. კარგახანს ეძინა.

ვიღრე ის ისვენებდა, ტასომ ჩაიც დაამზადა.


ჩაიზედაც ენაწყლიანად ოხუნჯობდა მგოსანი. თვითონაც ბევრი იცინა და ჩვენც გვაცინა. ძალიან ბევრი ანეგდოტი გვიამბო! ზოგს თვითონ იგონებდა, ზოგიც გავიხსენილი ჰქონდა.

როცა წასვლა დააპირა, ტასომ მთხოვა, — კიბეზე ჩაპყვი, არ დაეცესო.

— უნდა გამოგიტყდე, ამ მიქცეულმა და ჩამოღრეცილმა კიბემ შემაძულა აქ მოსვლა, თორემ მწერალი სხვაგან აბა სად უნდა წავიდეს, თუ არა რედაქციაში! — მითხრა მან კიბეზე ჩასვლის დროს.

გამოვეთხოვე... მაგრამ გული არ მითმენდა, უკან ვავეყვი! რუსთაველის (მაშინდელი გოლოვინსკის) პროსპექტზე ვიდექი და დიდხანს თვალს არ ვაშორებდი ოპერის თეატრისაკენ მიმავალ დიდ მგოსანს.

ლალო გვამეჯორი



შენც ხომ იყავი ჩვენებრ პატარა, პატარა ბიჭი ხალისით საფეხ, თუმცა ცხოვრებამ სხვა გზით გატარა ყმაწვილკაცობის ეკლიან გზაზე. გაგიხარია ბავშვური ხედვით, მინდვრად პეპელებს შენც ხომ იჭერდი, გულით გიყვარდა სხვიტორის ქედი და სავანელი გლეხის ბიჭები. გინახავს წვიმა, ღვარი და თქეში, დაგიდგამს რუხე წისქვილი ბორბლით, თითქოს იყავი მოხრილი წელში მოხუცი კაცი, დამფქველი ხორბლის. გახსოვს ზამთარი, გუნდა და ციგა, ცეცხლით შერუჯულ მუხლების ფერი,

იქვე გლეხებთან ლექსებიც გითქვამს და შაირებიც ბევრი და ბევრი. მაგრამ სხვა იყო ჟამი ცბიერი, მწარე ნაღველი გულში რომ დაგრჩა, ნახე, იგემე სულ სხვა იერი — ზოგის განცხრომა და ზოგის გარჯა. იცავდი ჩაგრულს, მიგაჩნდა მოძმედ, გულს არ იტეხდი მაინც ჭალარა, მრავალ დროების იქნება მოწმე შენი დაფი და შენი ნალარა! ჩვენ სულ სხვა გზებით მივდივართ ახლა... ჩვენ ახალ ქვეყნის გულში ვიჭრებით... როგორ ხარობენ, ნეტა განახვა, დღეს სავანელი გლეხის ბიჭები...

სანდრო ჟღანტი

აკაკი ალზრდის შეასახლება



აკაკი წერეთელი სოფელში დაიბადა. თავისი სოფლისადმი სიყვარული მას სიცოცხლის უკანასკნელ წუთამდის შერჩა. სოფელმა აკაკიზე წარუშლელი შთაბეჭდილება დატოვა. თავის ნაწერებში ქალაქზე მეტ უპირატესობას ყველგან სოფელს აკუთვნებს. მოსწონს სოფელური საბავშვო თამაშობანი. აკაკი ვერ ურიგდება მაშინდელ ქალაქის სკოლებში შემოღებულ „გიმნასტიკას“. ამას იგი ბავშვის სხეულის ტანჯვას უწოდებს. ამგვარად აკაკი ქალაქსა და სოფელს ერთმანეთისაგან თიშავს. აკაკის თვალსაზრისი ალზრდის შესახებ თანადროულობისათვის მიუღებელია, მაგრამ წარსულის გასაცნობად მაინც ძვირფასია.

რედაქცია

ყმაწვილი, რომელიც-კი სოფელში არ გაზრდილა, ბუნებაზე სრულიად მოსხლეტილია. ის არის მოკლებული უპირველეს ბედნიერებას. ქალაქში გაზრდილ ბავშვს, გენიოსიც რომ იყოს მისი მასწავლებელი, სიტყვით და ნახატებით ისე ვერ გაცნობს ბუნებას, როგორც სოფელი იცნობს თავისი საკუთარი ნახულობით. სოფელს თვალწინ უდგას ყოველთვის ბუნება მისი სხვადასხვაფერობით, გაცნობილი ჰყავს ყოველგვარი ოთხფეხი, ფრინველი, ქვემძრომი, მწერი, მცენარე და იცის მათი ზნე და ჩვეულება; ყველა მის თვალწინ იბადება, იზრდება, იშლება, იფურჩქნება, აყვავდება, მოაქვს ნაყოფი და კვდება, ყველა მათგანის ჭირისა და ლხინის თანამოზიარება და ამიტომაც ეთვისიანება მათ.

რომელ მხატვრობას შეუძლია გადასცეს ბავშვს ის, რასაც სოფელში მყოფი თავისი თვალთ ხედავს. ავიღოთ, თუ გინდა, სულ უკანასკნელი: აი, მოდის, მოღრუჩუნებს დედალორი და მას ცქრიანით უკან მოსდევს პატარ-პატარა ჭყვილა გოჭები, ძუძუს ეხვეწებიან... დედა მიდის სადმე ჩრდილში და წამოგორდება მხართეძოზე, მისცვივლებიან შვილები, მიეძაბრებიან ძუძუებს, სიამოვნების ნიშნად აქიციანებენ პატარა გადაპრეხილ კულებს, და დედაც თვალდახუჭული დაჰხარის, დაღრუჩუნებს მათ... აგერ კრავები კუნტრუმობენ, თიკნები დახტიან, გოჭები ჭიდაობენ, კვიცები კოტრიალობენ და სხვანი — სულ მრავალფერობა და სხვადასხვაობა... უყურებს ბავშვი და, თვითონაც გულშექნილი, ხტის და თამაშობს. ამებებს ყველას მოკლებულია ქალაქელი.

„გიმნასტიკაო“ — მეტყვიო... მაგრამ გიმნასტიკა მხოლოდ ტანჯვაა ბავშვის და სხეულის ჯორჯვა. სხვადასხვა ნაწილებს ადამიანის გვამისას განა ერთი და იგივე მოთხოვნილება აქვს... მე ეგება მარტო ფეხი მინდა ვავარჯიშო და ამ დროს ხელი შევასვენო. ყველაფერს თავისი დრო აქვს, და ამ დროს თვითონ ბუნება უფრო უტყუარად უჩვენებს. „გიმნასტიკის“ დროს-კი, წინააღმდეგ ჩემის მოთხოვნი-

ლებისა, უნდა მხოლოდ სხვის ბრძანებით ვიმოძრაო. მაგალითად, მე როცა სირბილი მინდა, ის გამაჩერებს ერთ ადგილზე, მომცემს ხელში მძიმე რკინებს და, გინდა თუ არა, ხელები ავარჯიშეო... ხელოვნებას შეუძლია, რომ დაიმორჩილოს, ე. ი. დაამახინჯოს ბუნება, მაგრამ რომ შესცვალოს და თავისი სურვილით ვითომ გააუქოესოს, — არა მჯერა. აბა წარმოიდგინეთ, ერთი მხრით, თავისუფალი, შველივით მონაგარდე სოფელი ბავშვი, და მეორეს მხრით — „დაჩანჩურებული“ ქალაქელი ყმაწვილი, ფეხსაცმელი უჭერს და მხოლოდები სტანჯავს... გამოსუდრულა ტანსაცმელში, საძრაობა აღარ აქვს, ეუბნებიან, ჭკვიანად იყავი, რაც ჩვენ გირჩიოთ, მხოლოდ ის იკისრე შენცო... იმ საბრალოს ერთი გაკოტრიალება ქვეყანას ურჩევნია, მაგრამ განა გაბედავს, რომ ტანისამოსი დაისვაროს... იზრდება ბრძანებით მომავალი ქლეტი და მუშია.

ქართველების ოდენი სხვადასხვაგვარი სათამაშო თითქმის არცერთ ხალხს არა აქვს და ყოველგვარი სათამაშოც უთუოდ ისეთია, რომელიც ჭკუა-გონებასა და სხეულს წვრთნის, ავარჯიშებს. ყველას არ ჩამოგივლით აქ... დავასახლებ მხოლოდ „ბურთაობას“. აბა, რომელი „გიმნასტიკა“ შეედრება მას. ბურთაობის დროს თვალი, ფეხი, ხელი, თავი, ტანი და ყოლიფერი თანასწორად ეჩვევა სიმარდეს. ქართულ სათამაშოებს ბავშვები თავის ხელით აკეთებენ, მაგალითად, ტაფა-რიკს თვითონ გამოჭრიან ხოლმე, შვილდ-კოდალს იკეთებენ... ნაყიდი სათამაშოები და მუქთად ნაშოვნი ტიკინები ქალაქებში მუქთახორობას აჩვენებს ყმაწვილებს და უფრო უფუჭებენ ხასიათს. ეს მე ჩემ თავზე გამომიცდია. სხვისი გაკეთებული და ნაყიდი სათამაშოები არაფრად არ მიმაჩნდა და ჩემსას კი ვუფროთხილდებოდი ხოლმე. პატარებს უყვართ დიდების მიზაძვა, და მეც რომ ხუხულა სახლებსა და ბელელ-სასიმიანდე-წისკვილებს ავაშენებდი ხოლმე, ჩემს სიამოვნებას საზღვარი აღარ ჰქონდა.

აკაკი წერეთელი



სხვიტორის თავზე მივყვები აღმართს,
აკაკის კოშკი თანდათან რჩება.
მივალ ეზოსთან, შევადლებ კარებს,
დაუშრეტელი განცდები მრჩება.
და როს შევდივარ იმ ძველ ოთახში,
ვხედავ ჩამომხმარ ყურძნის აკიდოს,
ვხედავ აგრეთვე მგოსნის კოსტიუმს,
ამშვენებს იგი ოთახს გარინდულს.
შენ საუკუნეს დაუდე ზღვარი
და ნახევარი დაიპყარ ხელში...
შენ საქართველოს ფრთებზე აფრქვიე
გესლმორეული ლექსების თქეში!
მოკვდა წარსულის წყვილიანი ღამე,

ახალ რითმებზე მოვმართეთ ჩანჯი,
შენი ლექსებით და პოემებით
ჩვენს საგანძურში ძლიერი დარჩი.
შენ საძებარი გყავდა გმირები,
მათ მოუხმობდი დაფით, ნალარით,
ჩვენ უამრავი მოგვეპოება
გმირთა გმირები... გრძნობით დავხარით.
ჩვენ შენს საგანძურს გულით ვატარებთ,
გვიყვარს ლექსები კლასიკოსების,
საუკუნეებს ეყოფა საგზლად
მწყობრი რითმები შენი ლექსების!

ახლადღამეყები ებრაელი მწერალი
ჟ. ხიტიბაჟილი

გაგუგუგის სახარალი გუარალი

აკაკი წერეთელი მეტად მალლა აყენებდა საბავ-
შვო ლიტერატურას, საბავშვო ლიტერატურის შე-
ქმნას გულთბილად ეკიდებოდა.

აკაკი წერდა:

„არცერთი ყოველთვიური ან დროგამოშვებითა
გამოცემა არ ყოფილა ჩვენში ისეთი სათანაჯრძნობო
ჩვენთვის, როგორც ეს პატარა ჟურნალი (ლაპარა-
კია ჟურ. „ჯეჯილზე“. ა. ლ.).“

რა არის აკაკის უმთავრესი მოტივი საბავშვო
შემოქმედებაში?

სამშობლოსათვის, საზოგადოებრივი მუშაობი-
სათვის თავდადება, სიყვარულის გაკეთილშობილება,
სწავლისაკენ, შრომისაკენ მოწოდება.

აი რას უნერგავდა, რას ასწავლიდა აკაკი ბავ-
შებს თავის შემოქმედებაში.

„მე რომ პატარა ვიყავი,
პატარა ბიჭუკელა,
დიდად მეჩვენებოდენ,
მე უფროსები ყველა.
მაგრამ რომ გავიზარდე,
ვნახე რომ ასში მხოლოდ
ორი-სამი კარგია
და დანარჩენი, სხვები
ქვეყანას არ არგია.
მათი მცნება ძალაა,
მომრეობა! მუჭია!
და სათაყვანო ქვეყნად
უსულგულო კუჭია!
და თქვენც კი არ მიჰბადით
იმ მუჭია-კუჭიას
და მით არ დაემსგავსოთ
სულ უბრალო რამ კიას!

(ლექსი: „ყმაწვილებს“).

მაგრამ მაშინდელი საზოგადოების ათასნაირი
ნაკლის ასეთი მხილება საკმარისი არ იყო; ამიტომ
აკაკიმ მიმართა კრილოვის იგავეებს. ამ იგავეებით
უკეთესად დაუმიზნა მაშინდელ საზოგადოებას და
ბავშვებისათვის ბევრი მოვლენა და თვისება ბუნე-
ბისა და აღმინებლისა აშკარა გახადა.


მეტი წილი კრილოვის იგავეებისა აკაკიმ საბავ-
შვო ჟურნალებში მოათავსა. ბევრს უსწავლია ან
წაუკითხავს „მაიმუნი და სარკე“, „მელია და ყურ-
ძენი“, „ვირი და ბულბული“, „მაიმუნი და სათვა-
ლე“ და მრავალი სხვა.

ერთი იგავი აქ გაეისენოთ, რომელიც მოგვა-
გონებს „ლამურას“.

შოშია

(კრილოვის იგავარაკი)

ბარტყობისას შოშიას
დაესწავლა სიმღერა;
თუ რომ შაშვი არ იყო,
აღარავის ეჯერა.
ნამდვილ მის ხმა-კილოზე
რომ მორთავდა სალამურს,
არემარე დამტკბარი
სიამით უგდებდა ყურს.
უწონებდენ, აქებდენ:
„ვერ ხედავთ შოშიასო?!
მომხილავი ჰანგები
გულს სხივებად შეასო!
თავგასული შოშია
გაბრიყვდა მეტის ქებით,
დაუწუნა ვალობა
შაშვს უსულო ჰანგებით.



თქვა: აღარ მეკადრება
აწ შაშვივით სტევენაო!
ისა სჯობს, ვაჭახრაკო
ბულბულივით ენაო!

ისეთნაირად დავკენეს
და ჩავახმატკბილებო,
რომ იმ თქვენ სანაქებოს
ბულბულს გავაწბილებო.

გაიტაცა სიხარბემ,
გადაჰყვა საბრალო გულს,
შაშვიურიც დაავიწყდა,
ველარც მიჰბაძა ბულბულს:

აწრუწუნდა თავგვივით,
ხან ჩხიკვივით ჩხაოდა,
ხან როგორც მომაკვდავი
კატის კნუტი ჰყაოდა.

აერია დავთრები...
რა ექნა არ იცოდა,
და ვისაც-კი ესმოდა,
მისი ცოდვით იწვოდა.

ჩიტებმაც თქვეს: ვერ ვუგდებთ
ყურს ამ საძაგლობასო!
კარგი შაშვიობა სჯობდა
გლახა ბულბულობასო!

ყველას აქვს თავ-თავისი
თითო რამ შესაფერი,
მაგრამ ცუდი სიხარბე
თანვე სდევს, როგორც მტერი.

სხვებს ჰბაძავენ, თავისას
რომ აღარ სჯერდებიან
და, ყველგან მოსხლეტილნი,
სასაცინო ხდებიან!

(„ჯეჯილი“, 1902 წ. № 9)

აკაკისვე ეკუთვნის შესანიშნავი თარგმანი „ყმა-
წვილი და პეპელა“. ეს თარგმანი ისეთია, რომ
ვისაც რუსულად არ წაუკითხავს, ვერც კი მიხვდება,
რომ თარგმანია და არა ორგინალური. გაგახსენებთ
ამ ლექსსაც:

ქრელი პეპელა დაათრო
და გააბრუა იამა...
მას მიეპარა ყმაწვილი,
დაიჭირა და იამა...

აღერსით უთხრა: პეპელა,
თავს რითი ირჩენ შენაო?
როგორ არ გლალავს მთელი დღე
მოუსვენარად ფრენაო?

პეპელამ უთხრა: მინდორში
ვცხოვრობ მე უზრუნველადო,
იქ ყვავილები გაშლილან
ჩემ საზრდოდ, საწუწნელადო

რაც დღე მაქვს — ტკბილად ვატარებ,
ჩემ ნებაზედაც დავფრენო,
მაგრამ დღეგრძელი არა ვარ...
გამიშვი... ნულა მაცდენო!

ყმაწვილმა ხელი გაუშვა,
გაფრინდა ნაზი პეპელა
და, თითქოს ნიშნად მადლობის,
თავს ევლებოდა ნელ-ნელა.

(ჟურ. „ნობათი“, № 1, 1884 წ.)

მაგრამ აკაკი კრილოვის იგავების თარგმანით
არ დაკმაყოფილდა, მან ქართველ მეიგავესაც მი-
მართა. ეს გახლავთ საბა-სულხან ორბელიანი, რო-
მელმაც დაწერა „წიგნი სიბრძნე სიცრუისა“. საბას
ბავშვებისათვის მძიმე დასაძლევნი პროზით დაწე-
რილი იგავები აკაკიმ გალექსა დიდი ოსტატობით
და ამით ბავშვებისათვის ადვილი გასაგები გახდა
საბას იგავებიც.

გალექსილ იგავებს სათაური შეცვლილი აქვს.
მაგალითად, საბას: „ნალბანდი და მგელი“ აკაკიმ
„ვირი და მგელი“ გახადა, „კუ და მორიელი“ —
„ბაყაყი და მორიელი“, „კატის გაზრდილი ლო-
მი“ — „კატა და ლომი“, „სოფლის მაშენებელი“ —
„მამალი და ძალი“ და მრავალი სხვა.

რომ თვალსაჩინო გახდეს, თუ რამდენად კარგად
გალექსა საბას იგავები აკაკიმ, მაგალითისათვის
ავილოთ პროზაც და ლექსიც.

საბა-სულხან ორბელიანი

ნალბანდი მგელი.

ერთი მგელი მოუხდა ვირსა, შექმას ლამობდა.
ვირმა უთხრა: ვიცე, შექმამ, ეს ანდერძი ამისრულე;
ქაჩაჩში ლურსმნის ნატეხი დამრჩა და იგი ამომი-
ლეო! მგელმა პირი მიჰყო, უნდა ამოელო. ვირმა
ტყუბად წიხლი ჰკრა, კბილები ჩაამტვრია, ვირი ვე-
ლარ შექამა. მგელმა თქვა: მამაჩემი ხარაზი იყო,
მე ნალბანდობას რა მრჯიდაო?

ა კ ა კ ი

ვირი და მგელი

ერთხელ ვირი საძოვარზე
დაიშარტოხელა მგელმა,
მიეჭრა და მისი შექმა
მოინდომა საძაგელმა.

არ ელოდა ყურპანტურა,
შეკრთა... უცბად ელდა ეცა;
გაქცევა რომ დააპირა,
მუხლებიც კი მოეკეცა.

დაიჩოქა... შეჰყროყინა:
რომ არ მზოგავ, კი ვხედავო,
მაგრამ მაინც სიკვდილის წინ
ერთ სათხოვარს გიბედავო:

ქაჩაჩში ლურსმნის ნატეხი
ჩამრჩა და ის მტანჯავს მეო.
და ამის ჯავრს ნუ გამატან,
ამომიღე როგორმეო!

მე ანდერძის ასრულება
სიკვდილს გამიადვილებსო...
შენც ლურსმანი ავცილდება,
ალარ გატკენს მაგ კბილებსო.

დაიჯერა მგელმა... ლურსმნის
ამოღებას დაეჩქარა.
მაგრამ ვირმა ტყუპად წიხლი
შიგ კბილებში მიაყარა.

ჩაულეწა... ჩაამტვრია,
ერთიც ალარ შეარჩინა!
დარჩა მგელი რეტდასხმული,
მხოლოდ პირი დააფჩინა
და თქვა: რატომ არ ვიცოდი,
ბედი ასე დამსჯიდაო?
მამა მყავდა ხარაზი და
ნალბანდობას რა მრჯიდაო?!

(„ჯიჯილი“, № 2, 1891 წ.)

საბა-სულხან ოკრბელიანი

უტკბესი და უმწარესი.

ერთმან მეზემან უბრძანა თავისსა ვეზირსა; წადი,
ასეთი საჭმელი მომიტანე, ხმელეთზედაც მის უტკ-
ბესი არა იყოსო და არც ზღვასა შინა იპოვებოდესო.
წავიდა ვეზირი, ენა ეყიდა; მოიტანა, შეწვა, აჭაბა.
მოეწონა. მერედ უბრძანა: წადი, ასეთი მომიტანე,
მის უმწარესი არ იპოვებოდესო ქვეყანაზე. წავიდა:
კიდევ ენა უყიდა და მოუტანა, უბრძანა მეფემან,
მწარე ვითხოვე--ენა მომიტანე, და ტკბილი ვითხოვე--
კიდევ ენაო. მოახსენა ვეზირმან: „თავმან შენმან,
არც არა ენის უტკბესი იქნებდისო და არცა რა ენის
უმწარესიო პირსა ყოვლისა ქვეყნისასაო.

ა კ ა კ ი

ტკბილი და მწარე

მეფემ უბრძანა სახუცესს:
მოიარე ქვეყანაო
და ტკბილი რამე საჭმელი
მომიძებნე მისთანაო,

რომ იმაზე გემრიელი
სხვა აღარაა გამეგოსო!
შეწვა ენა და მოართვა:
ის საჭმელი გახლავთ ესო.



აკაკი—ბავშვი!

ქამა, იამა და ბრძანა:
— მართალი ხარ, სახუცესო...
ეგ ნატვრა რომ შემისრულე,
აასრულე ახლა ესო:

აბა, წადი და მიშოვნე
ისე მწარე საჭმელიო,
რომ გამოჩნდეს მასთან თაფლად
სიმწარე და ნალველიო!

სახუცესმა ისევ ენა
მოუტანა და მიართვა,
მეფემ თვალი გადაავლო,
გაუკვირდა და ასე თქვა:
— მაშინ შენ ენა მომართვი,
როცა ტკბილი მენებაო!
მწარეს ვითხოვ — ისევ ენა
მოგაქვს! როგორ იქნებაო?

მოახსენა სახუცესმა:
თავმან თქვენმან, თქვენმა მზემო!
ზედმიწვევით შემიტყვია,
კარგად ვიცი მაგის გემო!

ვერც სიტკბოთი, ვერც სიმწარით
ენას ვერა ეღრებაო!
ზოგს მალამოდ დაედება
და ზოგს ისრად ეყრებაო!

(„ჯიჯილი“, № 6, 1892 წ.)

მაგრამ მართო იგაგების გალექსვა როდი უყვარდა აკაკის. ის კარგად იცნობდა ჩვენს ხალხურ პოეზიას, ლეგენდებს, თქმულებებს და რაც მოეწონებოდა, პროზადაც აკეთებდა ბავშვებისათვის და ლექსადაც, პროზად ხალხური თქმულებებიდან აღებული აქვს: „თოხიტარა“, „ლეგენდარული“, „ქიჟაჟი და ომი“ და მრავალი სხვა, ლექსად კი ბევრთან ერთად ეს პატარა ლექსიც:

ჩემი თხა (ხალხური)

ჩემო ლამაზო ბეჟეკა,
შენ, ჩემო თხაო ბელაო!
ჩემი მტერი და ორგული
შენ გენაცვალოს ყველაო!

წვერი გაქვს დეკანოზისა
და რქები ეშმაკისაო,
კბილები ნამგლად ნალესი
ნეკერს კვრებს, ბალახს მკისაო.

მთაში რომ წაკოკინდები,
დააგდებ მინდორ-ველსაო,
ჯიხვებს ეწვევი კლდეებში,
იქ მოიღერებ ყელსაო.

გაძლები, გასისინდები,
ჯიქანს გაივსებ რძითაო!
რა გზითაც დილას წასულხარ,
ბრუნდები იმავე გზითაო.

მოხვალ და საწველს ამივსებ,
არ დამამადლი წველასო!
მეძღვნეო ჩემი შვილების,
შენ მიჩვენებხარ ყველასო!

თვალის ჩინივით მოგივლი,
ნუ გეშინია მტერისო!
მაგ ძუძუების ჭირიმე,
საწველში ჩაიმღერისო!

ბეჟეკავ, ჩემო ბეჟეკავ,
შენ, ჩემო კარგო ბელაო,
ჩემი ოჯახის ურგები
შენ გენაცვალოს ყველაო!

(„ჯეჯილი“, № 4, 1895 წ.).

აკაკის ბავშვებისათვის აუარებელი ანდაზა და გამოცანები აქვს მოთავსებული ჩვენს საბავშვო ჟურნალში. ამ ანდაზებშიც აკაკის ენა სადაა და ლექსიც ისეთივე მუსიკალური, როგორც საერთოდ მისი პოეზია.

აქვე გეტყვით რამდენიმე გამოცანას და თუ გამოიცნობთ, პასუხი გამოუგზავნეთ „პიონერის“ რედაქციას.

1. უენოა, მაგრამ უხმოდ ბევრი რამ კარგის მთქმელია, უგურის დაწუნებული, ჭკვიანის სანატრელია.
2. ფეხში რომ ხელი მოკიდეს, ზღვაში ჩამკიდეს თავითა, რომ ამომიღეს, თეთრი გზა მოვრწყე ცრემლებით შავითა.
3. ყმაწვილისთვის სასარგებლო ვარ მისგანვე განწირული: თავსა მჭრის, რომ გამომიჩნდეს დაფარული შავი გული.
4. თეთრი რამ შავზე დახტოდა, ტოვებდა თეთრსა კვალსაო, კვალშივე უდგა ყმაწვილი, არ აშორებდა თვალსაო.
5. არა ჭამს, მხოლოდ წყალსა სვამს გულხარბი ყოვლის მხრითაო; თუ ხელი ვინმემ მოჰკიდა, იტირებს ცრემლის ღვრითაო.
6. ოცდათორმეტი ძმები ვართ, როდესაცა ვართ სრულადო, გვერდში უდგავართ ერთმანეთს, მხარს ვაძლევთ მეგობრულადო, და ვაი იმის სიმართლეს, ვისაც შეგხვდებით მტრულადო!
7. არც იცის ფრენა, არც ხტომა, დაცოცავს ძალისძლიობითა; ჰაერში სახლკარს იკეთებს, შიგა ზის წლიდან წლობითა და სტუმარს ელის სიამით, ნაძრახი მასპინძლობითა.

დღეს საბჭოთა ხელისუფლება და მთელი საბჭოთა საზოგადოება იუბილეს უმართავს აკაკის 20 წლის გარდაცვალების თავზე.

აკაკი მთელი მშრომელი ხალხის საყვარელი პოეტია.

ჩვენი მოზარდი თაობაც იმით გადაუხდის აკაკი წერეთელს ბავშვებზე ზრუნვას და უზომო სიყვარულს, რომ შეისწავლის და სიყვარულით მოეკიდება მის შემოქმედებას.

ან. ღვინიაშვილი

პიონერული არდადეგები*)



არდადეგებსაც გამოვიყენებთ
ჩვენ წესიერად, პიონერულად;
დასასვენებელ დღეებს, საათებს,
კულტლაშქრობაში მოვიხმართ სრულად!

ყველა წამოგვყვეს, ყველამ მოგვბაძოს,
არ დავიშურებთ ამისთვის ბრძოლას...
და ამ კულტურულ გასართობებში
შემოვიერთებთ მთლიანად სკოლას!

ჩვენა ვართ მარდი, ცქვიტი გვრიტები,
რევოლუციის მარგალიტები!
წინა თაობას შევცვლით თამამად:
მტკიცედ, ამაყად, პიონერულად!

და უფროსების მოწოდებაზე:
„თავდაცვისათვის დღეს თქვენ მზადა ხართ? —
წარბშეუხრელად, ერთხმად შევძახებთ:
— მუდამ მზადა ვართ, მუდამ მზადა ვართ!

ლადო გეგეჯორი

გამოხმაურება „პიონერის“ იუბილეზე

(მ ი ს ა ლ მ ე ბ ა)

კაცხი-სალიეთის ა/ს საშუალო სკოლის მოწაფეთა გაერთიანებული კრება აღფრთოვანებით ეგებება ჩვენი საყვარელი ჟურ. „პიონერის“ არსებობის 10 წლის იუბილეს. 10 წლის მანძილზე ჟურ. „პიონერი“ ხელს უწყობდა კომუნისტური ჩვევების განმტკიცებას აღზრდის საქმეში და ჩვენს სკოლებში პიონერთა მუშაობის უფრო წინ წაწევას.

ვუსურვებთ ჩვენი საყვარელი ჟურნალი მომავალში უფრო გაიზარდოს როგორც იდეოლოგიურად, ისე მხატვრულად, დაცულ იქნას ენის სისადავე და იწერებოდეს საყმაწვილო ხასიათის წერი-

ლები ჩვენთვის გასაგებ და სახალისო ენაზე. ვუსურვებთ „პიონერს“ კიდევ უფრო მეტი გამარჯვების მოპოებას მეორე 10 წლის თავზე პოლიტიკურ, კულტურულ და მხატვრული ლიტერატურის მოთხოვნილებების საქმეში, მისი ტირაჟის ერთი-ათად გაზრდას. ჩვენი, სკოლის პიონერები და მოზარდი თაობა მზად ვიქნებით ჩვენი საყვარელი ჟურ. „პიონერი“ ხელში გვეჭიროს, ხალისით ვიკითხოთ და გავამდიდროთ ჩვენი გონებრივი სალარო.

კაცხი-სალიეთის ა/ს საშუალო სკოლის მოწაფეობა.

*) ეს ლექსი ავტორმა წაიკითხა ტფ. აგრობიოლოგიურ სადგურთან არსებულ 23 არასრულ საშ. სკოლის მოწაფეებთან შეხვედრაზე, 27 იანვარს.

მამის გვერდით იჯდა ფხიზლად
კომუნარი, ცელქი ბიჭი.
ლილინებდა და სიკვდილი
ვერ იპყრობდა დარდით, იქვით.
ახარებდა მინდვრის ვარდი
წინ გაშლილი ლამაზ ბუჩქად,
ბარიკადის ახლო მდგომი,
ახალგაზრდა, მარდი, ლიურჯა.
ქალაქგარეთ გამოსული,
დღით და ღამით ცისქვეშ მყოფი,
უღიმოდა ყველა მეზობლს,
ვინც იცავდა პარიზს თოფით.
ცელქი იყო. ლილინებდა,
არც შეეძლო ყოფნა ჩუმად...
მას უყვარდა მუშა ხალხი
და პარიზის შავი ქუჩა.
იგონებდა ახლაც შრომას,
ბნელ ოთახს და დედის ალერსს,
კომუნართა შიმშილს, წუხილს
და მეზობელ მუშაქალებს.
— სად წავიდა, ნეტა, დედა! —
გაიფიქრა უცებ ბიჭმა.
— იქნებ დაძვრის ამ ბრძოლაში,
იქნებ მეძებს ან დაიჭრა!
ქარმა ხომ არ გაიტაცა,
ან ვეშაპმა ხომ არ შთანთქა?! —
და ნაწყენი იგონებდა
მრავალ ზღაპარს, დედის ნათქვამს.
ამ დროს ტყვია აზუზუნდა,
შორს ვიღაცამ დაიკვნესა...
— აბა ცეცხლი! — დაიძახეს,
— იერიში მოაქვს ვერსალს.

ფეხზე დადგა უცებ ბიჭი,
გაუხშირდა სუნთქვა ცოტა
და ყუმბარა მძიმე, ტლანქი
ფრთხილად მამას მიაწოდა.
ზარბაზანმა დაიქუხა,
შეაშფოთა ცეცხლმა მტერი...
ბარიკადის იქით ველზე
დაიღვარა სისხლი ბევრი.
დატრიალდა ცელქი ბიჭი,
ბრძოლის ხმაში ხალისს გრძნობდა
და ყუმბარა მძიმე, ტლანქი
ისევ მამას მიაწოდა.
არ ბცოდა თითქოს სხვა რამ
სიცოცხლის და შრომის გარდა;
თითქოს ისიც არ ესმოდა,
ცხელი ტყვია თუ კაცს კლავდა.
მაგრამ ტყვია უჩინარი,
გასროლილი მხეცის ხელით,
მოხვდა ყმაწვილს და ბოროტად
დაუტოვა გულში ხვრელი.
ჭრილობიდან წყაროსავით
ამოფეთქა ტკბილმა სისხლმა...
შეკრთა ბიჭი და გულწასულს
მოეჩვენა მიწა ნისლად.
გადახედა ველს და მამას,
გადახედა ერთხელ მხესაც,
დაიკრუნჩხა და მიწაზე
უნუგემოდ დაიკვნესა...
მოკვდა ბიჭი, ცელქი ბიჭი,
გაულურჯდა სახე მკრთალი
და მამისკენ ხელმაშვერილს
გაღებულნი დარჩა თვალი.

გ. კახანიძე



1

დღეს აბრეშუმის ქარხნიდან დედა ადრე
მოვიდა. გაზეთებიც მოიტანა. ოთხად გაკეცილ
გაზეთში თხელი ჟურნალი იყო ჩადებული. იგი
ლეილას მაგიდაზე დადგა. ლეილა მისი პატარა
გოგონაა და სკოლაში დაიარება. სკოლიდან
დღესაც თავის დროზე დაბრუნდა. სახელით

გაკვეთილის მზადებას რომ მორჩა, სახელმძღვა-
ნელო წიგნები და რვეულები თავის ადგილზე
მოათავსა. მერე ეზოში ჩაირბინა, მეზობელ
ბავშვებში გაინავარდა, ატეხა ერთი ალიაქოთი,
სიცილ-ხარხარი. ბავშვებს დაწყებული თამაში
ჩაუშალა და ისეთი თამაში წამოიწყა, რომე-
ლიც თვითონ სურდა.

იგი რამდენიმე ხნის შემდეგ უცებ გამოერჩა ერთმანეთში არეულ ბავშვებიდან. ბავშვები დაედევნენ, ატყდა ყვირილი:

— არიქა, ლეილა გაგვექცა, თავი დავუაროთ, დავიჭიროთ!

ლეილა მირბოდა, ხანდახან იხედებოდა უკან გაცინებული სახით.

— ვერა, ვერ დამიჭერთ, მე უკვე დავამთარე თამაში!

ბავშვების ყიჟინა დედამაც გაიგონა, გაცოფებულივით გამოვარდა კარში, მაგრამ მეგობრული განწყობილება რომ შეამჩნია, საჩვენებელი თითი გაასავსავა და სიცილით დაიძახა:

— აი, თქვე ეშმაკებო, თქვენა.

გოგონა აქოშინებული შევარდა ოთახში.

2.

— ლეილა, თამაშს ხომ მორჩი?

პატარა გოგონა დედასთან მიიქრა, წელზე მოეხვია, იცინის, ეალერსება; დედაც ეფერება, ხელს თავზე უსვამს.

— კი, მორჩი.

— გაკვეთილების სწავლას?

— გაკვეთილებს უფრო ადრე.

— მაშ მე სადილს მოვამზადებ, შენ გაზეთები წაიკითხე, მე ყურს დაგიგდებ... ჰო მართალია კინალამ დამავიწყდა, ერთი ახალი ჟურნალიც მოგიტანე. ისიც ნახე.


— კარგი, დედილო, წავიკითხავ, — და მაგიდასთან მიირბინა, სადაც ახალი ჟურნალ-გაზეთები ეწყო. დაიწყო გაზეთების ფურჩქნა, მერე რაღაც მოაგონდა, სახეზე აღფრთოვანება დაეტყო.


— უჰ, დედი, კინალამ დამავიწყდა, — წამოიძახა ლეილამ, საწიგნე ჩანთიდან პატარა ლამაზი წიგნი ამოიღო, ხელში აქეთ-იქით ატრიალებდა, თითქოს პირველად დაინახა.

— რა იყო, ქალო, რა დაგემაართა?

— აი, აი! — უთითებდა წიგნზე და დედას შეაჩეხა ხელში.

— მერე, ვინ მოგცა ეს წიგნი?





— დედა, დღეს რვა მარტია, ბეჯითი მოწაფე ქალები დაგვაჯილდოვეს. კრება იყო, ყველამ შეხედა, წიგნი რომ მომცეს. მერე, იცი, ესენი რა კარგი პოეტებია, ამათი ლექსები სკოლაშიც ვისწავლეთ, ყველა იცნობს, — შემდეგ ლეილამ მწერლების გვარები დაასახელა.

გვარების გაგონებისთანვე დედა შეირბა და წიგნს ცნობისმოყვარეობით დახედა.

3.

ლეილამ ნაჩუქარი წიგნი თვალსაჩინო ადგილზე მოათავსა. ფურცლავდა გაზეთებს და ხანდახან კიდევ კითხულობდა ზოგიერთ წერილს. ცოტა ხნის შემდეგ რაღაც მოაგონდა, შეწყვიტა გაზეთის ფურცვლა და დედას დაუძახა:

— დედიკო, დღეს ასე ადრე რატომ დაბრუნდი სამსახურიდან?

— დღეს, შეილო, ჩვენი დედა, რვა მარტია, ქალთა დედა, აკი შენცა თქვი, რომ...

— ჰოო, — წამოიძახა ლეილამ, — კი აღარ მომაგონდა, უცებ გულიდან გადამვარდა. გოგონამ ისევ გაზეთებს მიაპყრო ყურადღე-

ბა, ჩასციცინებს, ფურცლავს, ხან ხმამაღლაც კითხულობს. თავის გაზეთს რომ მორჩა, მერე დედის მოტანილ გაზეთს მოჰკიდა ხელი, გაკეცილი გაზეთიდან „მშრომელი ქალი“ ამოიღო და ამ ჟურნალის გადათვალიერება დაიწყო.

„8 მარტი მშრომელ ქალთა დღეა“, — დიდი ასოებით ეწერა პირველ გვერდზე. ლეილას სურათები უფრო აინტერესებდა და მათ წარწერებს კითხულობდა. თითქმის ყოველი ქარხნიდან იყო დამკვრელი ქალების პორტრეტები.

— რამდენი დამკვრელი ქალი ყოფილა, — ჩილაპარაკა ლეილამ და თავისთვის გაიფიქრა: „დედაჩემიც ხომ იყო დამკვრელი“.

ასე ფურცლავდა იგი ჟურნალს და მოულოდნელად განცვიფრებული თვალით დახედა ერთ გვერდს. უცქირა, უცქირა და მერე ისევ დედას შესძახა:

— დედილო, ყური მიგდე, აი რა უნდა წაგიკითხო! — ბავშვი ანთებული იყო სახეზე. ლოყები ვარდივით უბრწყინავდა.

— აბა, წაიკითხე... აბა.

— „ტფილისის აბრეშუმის ქარხნის დამკვერელი ქალი“ — და ამოიკითხა თავისი დედის გვარი, — „დაჯილდოებული ერთი თვის ხელფასით“.

დედა კითხვის დამთავრებამდის მივიდა შვილთან, შეხედა თავის პორტრეტს, გაეხარდა, თვალს აღარ აშორებდა იმ ფურცელს.

4.

— აი, შვილო, ხედავ, ეს მხოლოდ საბჭოთა ქვეყანაშია შესაძლებელი. სადაც ბურჟუები ბატონობენ, იქ მუშაქალებს ვახეთებში კი არ ხატავენ, ისინი შიმშილით წყდებიან, ქუჩა-ქუჩა დაწანწალებენ, ჩვენ კი ვზვიამობთ ჩვენში რვაა გმარტს 8 მარტს დაისვა პირველად ქალთ ან-თავისუფლების საკითხი.

— მაშ ჩვენ ორივე დამკვერელი ვართ?!
— აბა რა გგონია, შვილო, ასე არ სჯობია?!
რა საქმესაც ადგინარ, უნდა გიყვარდეს, ბეჯეთი უნდა იყო. ჩვენს ქვეყანაში შრომა არ დაგეკარგება.

მათ ლაპარაკში მამაც მოვიდა. დედა-შვილის სიხარულს ისიც შეუერთდა, იცინეს. სადილოდ რომ დასხდნენ, მამამ ხუმრობით ჰკითხა პატარა ლეილას:

— კი მაგრამ, შენც ქალებში ურევხარ?
— მაშა, ცუდი გოგო ვარ თუ!

ლაშკ. ზიზინაძე

ნინა სუბულავა

პატარა ეზო და უკაცური კარმიდამო, დედ-მამის ხსოვნა და ბებიას უკანასკნელი აღერსი, ბავშვობა, „ბუბაი-ჩელო ბუბაი-ბუსკას“ სიმღერები, ტოლი გოგო-ბიჭები და ყველაფრის დამფარავი, დამაძაბუნებელი სიღარიბე სადღაც უკან დარჩა, სოფელ ეკში, წარსულში.

დედ-მამა მას არც ახსოვს, მათ იცნობს პროვინციურ ჟამთა სვლაში გაყვითლებული ფოტოგრაფიული სურათებიდან, რომელიც მოწყენით ეკიდა ბებიას საწოლი ლოგინის ზემოთ კედელზე. შემდეგ, 1929 წელს, გარდაიცვალა ბებია თებრონეც. მას სარეცელზე მწოლარე, გადაუღეს სურათი და ამ დღიდან კეთილ ბებიას მოსაგონებლად სურათი დარჩა: როგორც თოვლის კაცი ფიფქებს შუა, ისე იწვა ბები სუღარაში...

ნინა დარჩა მარტო, სულ მარტო. უფროსი ძმა ვალია ჯერ კიდევ 1928 წელს წავიდა რუსეთში, სამხედრო საავიაციო სკოლაში... და ნინა ტირიდა. პატარა, ის ძლივს ჩანდა მიწაზე, ოქროსფერი კულულები გასწეწოდა და ეს ცისფერი, შეშინებული თვალები ცრემლებით გავსებოდა. ნინა ხომ ახლა სულ მარტო იყო ქვეყანაზე, როგორ დაიძინებდა ღამით, ხომ შეეშინდებოდა! თან ბებიას ფეხებთან ძილდაჩვეულს შესცივდებოდა, ან როდესაც ლამფას ჩააქრობდა და მთელ ოთახში დადგებოდა სიბნელე, რა უნდა ექნა მაშინ ნინას, ხომ მოვიდოდა მის ლოგინთან „ოჩოკაჩი“ და შექამდა.

ეკი! აქედან ხელისგულივით ჩანს საშურალიო, ტალურის დაბლობები, ცივის და ღებურის ნაპირები! ყველაფერი ეს დარჩა უკან, შორეულ წარსულში. ტოლი გოგო-ბიჭები, ალბათ, ისევ ჩალის ცხენებზე სხედან, „ბუბაი-ჩელო, ბუბაი-ბუსკას“ მღერიან, დეღეებზე ბუტაფორიულ წისქვილებს დგამენ, ქარიან დღეებში. სიმინდის ქუჩისისაგან ფარფატებს აკეთებენ და როცა ჩამოთოვს, ჩიტებს კაკანათს უგებენ. აღარც ბები, აღარც დედ-მამა.

ნინა გაზარდა კომკავშირმა. ახლა რესპუბლიკა იცნობს მას, ის პირველი ქართველი მფრინავი ქალია, დამოუკიდებლად მართავს მანქანას და უმაღლესი პილოტაჟის ნიმუშებს ბრწყინვალედ ასრულებს. ყველაფერი ეს უბრალოდ წარიმართა თებრონეს სიკვდილის შემდეგ. 1930 წელს ვალია რუსეთიდან დაბრუნდა. ნინას ყოველთვის ხიბლავდა თავისი უფროსი ძმის პროფესია, გატაცებით ისმენდა მის ნაამბობს საოცარი გაფრენების შესახებ, და პატარა ნინამ უკვე გადაწყვიტა, რაღაც არ უნდა დასჯდომოდა, ეფრინა თვითონ. და აი ვალიამ ითათბირა მამიდებთან, რომლებიც ახლა პატარა ობოლს მფრველობდნენ, და ნინაც გამოეთხოვა ეკის.

შემდეგ ჯარასავით დატრიალდა ეს ცხოვრება. ნინამ დაამთავრა ტფილისის კამოს სახელობის საქარხნო-საფაბრიკო სკოლა. ამასთანავე სწავლობდა საპლანერო სკოლაში. საქარხნო სკოლამ ზეინკლის კვალიფიკაცია მისცა. მუშაობდა

კბილანების მკრელ ფრეზერის დაზვავზე. იქვე დატოვეს ოსტატად, მაგრამ კომკავშირის ტფილისის კომიტეტმა ფრთები შეასხა ნინას ოცნებას და გააგზავნა ბატაისკის წითელდროშოვან მფრინავთა პირველ სკოლაში. აქ დაჰყო ოთხი თვე და ახლა კიდევ ერთხელ დაობლდა ნინა. ვალიაც გარდაიცვალა, ძმა კი არა, მისი ხელმძღვანელი და ერთადერთი პატრონი!

მაგრამ ნინას განა სხვა პატრონი არა ჰყოლია! კომკავშირი ზრდიდა თავის პირშოს და განა ეს ყველაფერი არ არის? ისევ ტფილისი. თავდაცვა-ავიაქიმის ჰაერომფრინავთა სკოლა და ვაჟკაცური მქუხარე სიმღერა:

Все выше и выше...

ოცნება შეისრულა, მაგრამ მამიდები სულ მოიმდურა. ერთ მამიდას უნდოდა ნინა სოფელ ეკში თან წაეყვანა. მონახა კიდევ თავისი ძმისწული, ლოგინში მწოლარეს მიუსწრო, ჯილდოდ აგვისტოში მიღებული ნინას სამხედრო ტანსაცმელი, პილოტის თბილი შარვალი და წამოსასხამი იქვე უწესრიგოდ ეყარა. მამიდა ლამის გადაირია, ტანსაცმელს მიაფურთხა, ლოყები დაიკაწრა, ძმისწულთან კი ვერაფერი გააწყო.

* * *

და აი ახლა მე ამხანაგებთან ვზივარ და ესაუბრობ, ჩვენს შორის არის ნინა ხუბულავაც. მას მე ბევრი ხანი არ არის ვიცნობ, მაგრამ ისე ახლობელია და მშობლიური, თითქოს ჩვენც იქ დავბადებულვართ, იქ აღვზრდილვართ, ბებია თებრონეს კალთებთან, ეკში. ჩვენ ხომ ერთად გვაწოვა კომკავშირმა ძუძუ და ნანაც გვითხრა, ჩვენ ხომ მილიონები ვართ: ინჟენრები, ექიმები, აგრონომები, მასწავლებლები, მფრინავები, სოციალისტური ქარხნებისა და მინდვრების დამკვრელები, ეს ჩვენ ვართ ჯანმავარი ახალი თაობა, ეს ჩვენ ვართ, ვაჟკაცური პირდაპირობით რომ მივიწვევთ წინ.

— ბიჭებო, — გვეუბნება ამხანაგი ნინა, — ბიჭებო, დამიგდეთ ყური! და ის ბავშვია, ხმა კი, აკანკალებული ხმა, პატარა გოგოს ნაზი ხმა, ზარივით რეკავს.

— ბიჭებო, თქვენ რაღას დაფრთხით? განა ასე ძნელია პარაშუტით ჩამოხტომა? აი ნახეთ სურათები!

ის შლის წიგნს, შემდეგ პაწია თითებს ადებს სურათებზე და გვიხსნის, როგორ ქოლგასავით იხსნება პარაშუტი, როგორ მოძრაობს თვითმფრინავიდან გადმოხტარი ადამიანი. მაგრამ ჩვენ განა მას ვუსმენთ! ჩვენ მშიშარები ვართ მასთან შედარებით ფრენის საქმეში. ჩვენ ჩვენს პროფესიებში გვაქვს დიდი გული. მე ვაკვირდები ამ საოცრებას. ნინა ჯერ 18 წლისაც არ იქნება. თეთრი, ცისფერი თვალები, პაწია ხელები, რგვალი პირისახე, აი ისეთი, საკანდიტროში ნამცხვარებს რომ ყილიან, და ძალაუნებურათ მინდა წამოვიძახო:

— ვინ განდო, გოგო, შენ თვითმფრინავი, ვინ?!

ნინა იღვა ჩვენს შორის როგორც სიხარული, როგორც თვით სიყმაწვილე და თავისი ბავშვური ხმით გვეკითხებოდა:

— მოგეწონათ? ჰაიტ, თქვე მშიშარებო, არის, განა!

ჩვენ სათქმელი ვერაფერი მოვეუხერხეთ, მე კი შევნიშნე:

— ქალო, ის როგორ იყო, თვითმფრინავი გადაყირავდა, შენ კი ძირს არ ჩამოვარდი?

— ჰოო! ეს რაა, აი, ვედრო აილე, ნახევრამდის ჩაასხი წყალი და შემდეგ ჰაერში ღონიერად შეატრიალე, — წყალი არ დაიღვრება, კაციც ასეა თვითმფრინავში.

ის ლაპარაკობდა ისე უბრალოდ, როგორც გუშინ პარაშუტით გადმოხტომის უბრალოებას გვიხსნიდა.

რაკი ნინამ შეატყო ჩვენ სუყველანი მოხიბლული ვიყავით მისი გაბედული ფრენით, მას უცნაურმა აზრმა გაუელვა: ხომ შეიძლებოდა ასევე მოეხიბლა თავისი მომღურებული მამიდები და სოფელ ეკის გოგო-ბიჭები?

— ახ, მეტი არაფერი მინდა, — წამოიძახა აღტაცებით ნინამ — ერთი ჩემი თვითმფრინავით სოფელ ეკის ცაზე მანავარდა და ჩვენებს დაანახა, როგორ ადვილად შეიძლება კაცი გაფრინდეს! ალბათ ასეც იქნება...

მოსე გვასალია

ბავშთა უემოქმელება



მ ა რ წ ყ ვ ზ ე *)

— ოოო! რამდენი მარწყვია, რამდენი! — იძახოდა გოლა და ორივე ხელით კრეფდა.

— უჰ, უჰ! რამდენია! — იძახოდნენ სხვებიც და მარწყვს ეალერსებოდნენ, უცინოდნენ, თანაც პირს იტკბარუნებდნენ.

— უჰ, დედილო ეს რამოდენაა! — წამოიძახა გაკვირებულმა ოთარიკომ და მარწყვს ხელში ატრიალებდა.

— აბა, ოთარ, მაჩვენე, — ცუღლუღტი ღიმილით ეუბნება გოლა ოთარს.

— არ შემიჭამო, თორემ..

— არა, არა, ნუ გეშინია, — დაამშვიდა გოლამ.

— ბიჭოს, მართლა დიდი ყოფილა! აბა გემო ვუნახოთ! — წამოიძახა უცებ გოლამ და ოთარიკოს მარწყვი პირისაკენ გააქანა.

— დედილო! — გააბა ოთარიკომ ტირილი, მაგრამ სიცილი რომ დააყარეს, ისევ გაჩუმება ამჯობინა, გოლას კი დაემუქრა:

— მოიცა, დამაცადე!

— შერიგდით, შერიგდით! — წამოიყვირეს ბავშვებმა და მოჩხუბრებს შემოეხვივნენ.

— კარგი, ბიჭებო, მარწყვისთვის არ მოვედით? ჩქარა მოგკრიფოთ, თორემ, ცოტა არ იყოს, იღრუბლება, — თქვა სერგომ.

— მართლა, ბიჭებო, თორემ წვიმა მოვა და..

— დავსველდებით, — დაამთავრა გოლამ ოთარიკოს სიტყვები.

ბავშვები ისევ დაიშალნენ და გამალბებით დაიწყეს მარწყვის კრეფა, ხუმრობას კი არ იშლიდნენ.

— აგერ რამოდენა მარწყვს ვხედავ! — წამოიყვირა გოლამ და მარწყვისაკენ გაქანდა.

— არ შეგარჩენ, არა! — მიაძახა ოთარიკომ და ისიც გაექანა. საცოდავ მარწყვს ოთხი ხელი ერთად მისწვდა, მაგრამ ოთარიკომ იმარჯუვა, მარწყვი პირში ჩაიგდო, გოლას კი სიცილი დააყარა:

— ი, ხომ გადაგიხადე!

IV

ღილით მშვენიერი ტაროსი იღვა. მაგრამ ახლაცა შავმა ღრუბლებმა დაფარა. წვიმა დაიწყო. წიფლის ქვეშ შეგჯუფებული ბავშვები აინუნზიაც არ აგდებდნენ წვიმას და ხარხარებდნენ, ელოდებოდნენ გამოდარებას. ხავსით დაფარული და თითქმის მიწაზე დაწოლილი ასწლოვანი წიფელა იცავდა მათ წვიმის წვეთებისაგან. ფრინველები თავიანთ ბუდეებში შეყუჟულიყვნენ და ისინიც გამოდარებას ელოდებოდნენ, რომ ისევ შეემკოთ მზის ბრწყინვალე მაცოცხლებელი სხივები და ბუნება. ირგვლივ სიჩუმე იყო. ყველა ცოცხალი არსება მიმალულიყო. მხოლოდ წვიმის უხეფები ფოთლებზე ტკაცუნებდა და ბავშვების გულიანი სიცილი ისმოდა.

— ნეტა როდის უნდა გამოიღაროს, — ამბობს ოთარიკო და ცას შეცქერის, სადაც ამხედრებული ღრუბლები ირევიან და სადღაც მიეჩქარებიან.

— მალე გამოიღარებს, მალე, ხელავ, ღრუბლები სადღაც მიემგზავრებიან, — ამბობს გოგი და თითს მოგანგაშე ღრუბლებისაკენ იშვერს.

წვიმამ იკლო.

— წავიდეთ, გავიქცეთ, თორემ კიდევ დაუშვებს, ყვირიან ბავშვები. გოგამ მარწყვითა და სოკოთი გატენილ კალათას დაავლო ხელი და გაიქცა, სხვებიც დაედევნენ.

მზემ ისევ გამოყო თავი, ქვეყანას მიესალმა და სხივები გადმოაფრქვია. ღრუბლები გაიციროცა.

— შეხედეთ იმ ღრუბელს, როგორ წითლად ღუის, — დაანახვა ბავშვებს გოლამ.

ცის ტატნობზე ღრუბლის პაწია ნაწყვეტი მზის სხივებისაგან წითლად ღუოდა, თითქოს ცეცხლი ეკიდებო.

— აჰა, კიდევ მივედით! — წამოიყვირეს ბავშვებმა და დასველებულები გბექანენ თავისი სახლები-საკენ.

ლ. ხვიჩია

*) დახასრული. იბ. ჟურ. „პიონერი“ № 1—2.



ყოველთვის საყვარელი და უძვირფასესი იქნება სახელოვანი და დიდებული მწერალი აკაკი წერეთელი.

მომწონს აკაკის მხატვრული, მშვენიერი მოთხრობები და მუსიკალური ლექსები, მისი ოხუნჯური გამოთქმები სხარულით ავსებენ გულს და ღიმილს ჰგვრიან მკითხველს. აკაკის თავისუფალი წინადადება ამშვენიერებს ისედაც კობტა, მხატვრულ მოთხრობებს.

ალტაცებით და გაკვირვებით ვკითხულობთ მის მახვილ, სხარტ ფრაზებს. ვერ წარმომიდგენია: თუ იქნება ისე მომხიბლავად დაწერილი მოთხრობა, როგორიც არის „ბაში-აჩუკი“.

როდესაც მივემგზავრები სოფლად, თვალს ვერ ვაშორებ იმ სახლს და იმ მიდამოებს, სადაც აღიზარდა შესანიშნავი პოეტი აკაკი.

რა ტკბილად ჩუხჩუხებს და გველივით მიიკლავება ჩიხურა და იზორა, თითქოს გვიამბობდეს აკაკის წარსულს! აი, მივედით სოფელ სავანეში, სადაც ის იზრდებოდა 7 წლამდის, საღუნეშვილის ოჯახში. წარმოდგენილი მაქვს, როგორ დანავარდობდა აკაკი სავანის ორბობეებში, როგორ არ შორდებოდა მას პატარა ტუჩებზე მახვილი, სახუმარო გამოთქმები... წარმოდგენილი მაქვს, როგორ ჩეჩენდნ ბაბუას წვერს აკაკი და მისი ძიძის შვილი...

ჩემთვის ნაცნობია ეს ადგილები, სადაც გაატარა აკაკიმ ბავშვობა... საყვარელია აკაკი ჩემთვის... მაგრამ განა მართო ჩემთვის?!

მ. აბრამიშვილი

მე-18 შრომის სკოლის V კ. მოწ.

რ ე ბ უ ს ი

ს, ' " " ' ს

ბ ' ' "

ს !